

晚晴籟詩匯

第四五册

晚晴移詩匯卷一百十六目錄

杜堦九首

朱方增二首

方振二首

袁名曜一首

劉彬華二首

王以鎔一首

張井三首

鄧廷楨十六首

潘恭辰四首

葉紹本六首

孔昭虔二首

馬宗璉十二首

蕭元吉二首

王澤一首

周際華四首

潘業一首

張瓊英七首

汪仲洋八首

夏翼朝八首

蕭煒二首

焦循九首

張興鏞二首

吳文炳

一首

曾瑤

一首

周爾墉

六首

程懷璟

一首

張允垂

二首

陳鴻壽

六首

洪頤煊

一首

李富孫

三首

李士楨

五首

周鈇勳

二首

陳舜咨

一首

沈承瑞

十首

晚晴移詩匯卷一百十六

徐世昌

杜塲字石樵濱州人嘉慶辛酉進士改庶吉士授編修

官至禮部侍郎加尙書銜謚文端有遂初草廬詩集

詩話文端者年碩德慕陵瞻念文正舊學推恩優渥近代所罕集中以視學畿輔兩浙時行役詠古之

作爲多神韻不匱猶守新城遺軌

問渡

問渡燕郊去風聲沙岸頭浮雲連紫塞旭日亂春流土齧  
將穿石橋編不繫舟守臣懷利濟何以贊良謀

望夷齊廟

兩水一灤水一青龍河也

連山西北鷺兩水東南流俯仰極千里今古同一邱悲歌  
及黃農抗節懷商周斯人願遐逝大道日沈浮叢祠儼冠

帶萬禩輕王侯豈無蘭鞠薦尙恐薇蕨羞念茲三歎息天  
地良悠悠

留題孤竹山堂

統如樓鼓對斜暉行笥重翻換袷衣山色繞垣隨馬去鳥  
聲隔戶送人歸蒼鷹暗覺春風老慷慨空驚壯志違明日  
儻尋遼海夢綠楊城郭又依稀

雞鳴山短歌

飲馬下白登揮轡出開平每有早行人至此聞雞鳴岩岩  
飛狐嶺黯黯沙城戍亦有投止客夜聽雞鳴去雞鳴星始  
稀寒霜拂人衣關河不可極游子常懷悲雞鳴天下曉西  
風吹白草行路古今難人共沙場老

癸未十月再至石門觀瀑布

長風渺渺送行舟乘興來觀百尺流界破青山終古做  
成紅葉十分秋仙心輒欲騎黃鶴宦海無因狎白鷗卻憶  
年時拋盞去幾回選夢到僧樓

甌江曲

江波滾滾去如箭下灘正急上灘慢江樹十月紅如花西  
邊翠竹東白沙山腳斷崖山嘴路人家半在山腰住一峯  
落葉一峯雲日日開門闔朝暮朝朝暮暮往來舟前日少  
年今白頭白頭人去少年在山自青青江自流

入剡

秋霜下南國紅盡江邊樹終日不逢人十月剡中去  
東船與西舫橈聲如秋鴻對面不得語迴帆各趁風

江心寺

寂寞江心寺英靈尙在無興亡千載事忠義幾人俱突兀  
田橫島飄零趙氏孤吳山重回首遺恨失雄圖

朱方增號虹舫海鹽人嘉慶辛酉進士改庶吉士授編

修歷官內閣學士有求聞過齋詩集

詩話故事殿廷考試收卷先以進呈每經乙夜披覽  
虹舫道光四年大考恭陵賞其詩丹規其旁者四  
聯迷列第一特邀超擢虹舫有詩紀事謂自翰詹徑  
除關學陸雅坪錢東麓寶東皋三君後至是而四云  
相見坡

四夫前導牽以縵舁者四耦偕之登二十四足相凌兢如  
螺旋然如猱升又如脫鞴揚秋鷹忽然置身碧雲裏凹凸  
一峰對面起中阻深谿不見底當其盤折山之趾兩坡相  
距幾百里至此祇隔尺有咫可惜盈盈阻一木彼峰行人  
以手招此閒輿者聲嘈嘈相望不愁延頸勞罡風簸蕩車

搖搖青天甚近風，逾驕吹墮彼山良。  
足豪自是造物巧，布置忽遠忽近眩人意。  
故鄉回首青山多，相見相見柰爾何。  
昨宿鎮遠館舍，風景殊佳，惜未留題，作一律補之。

頓教一宿戀空桑，旅夢猶牽灑水陽。  
遠穀碧生谿口渡，斜暉紅上寺門牆。  
憑誰卷畫攜行篋，無此湖山惜故鄉。  
祇恨煙雲容易過，雪鴻蹤迹太匆忙。

方振字容齋，南昌人。嘉慶辛酉進士，改庶吉士，授編修。  
歷官侍讀學士，有少悟齋詩集。

安仁縣

蕞爾城三里，悠然水一灣。  
波添貴溪雨，雲起建昌山。  
儉俗雞豚少，耘時市井閒。  
數聲煙外聽，漁唱夕陽還。

園中課小童芟草移石



早知窮有命底事逐征塵此日濠梁意幾年湖海身草除  
遮路棘石露隔簾皺擬待重陽問黃花莫笑人

袁名曜字道南一字峴岡甯鄉人嘉慶辛酉進士改庶  
吉士授編修歷官侍讀有吾廬草

德州夜雨

夜闌燒燭短霧淞暗河天帶雨數聲雁鳴箏何處船歲時  
驚久客哀樂感中年賸欲聞雞舞瀟瀟澈枕邊

劉彬華字藻林號樸石番禺人嘉慶辛酉進士改庶吉  
士授編修有玉壺山房詩鈔

詩話樸石以乾隆丙午舉於鄉年十六同榜謝啟祚  
年九十四時以爲美談及入詞館卽假歸家居二十  
餘年體羸多病  
常以吟詠自娛

過飛來峽

二禺七十有二峯峯亂削青芙蓉飛崖壁立互撐拄屹  
若雙闕排珠宮滇江北來勢一束水隨山罅彎環通偉哉  
造物信瑰異日南妙境開鴻濛我從珠海浮征蓬入峽喜  
見波冲灑天光雲影盪朝旭一滌甘載塵塏胸須臾森悚  
豎毛髮眾山竄窳號谷風深林障日蹲虎豹怒湍激石掀  
魚龍江神怪我行息息指點蘭若尋仙蹤當年飛來豈偶  
爾定有風雨雲雷從如何神工失守護頓令一角遺雲封  
由來海嶠事多幻浮山逃石母乃同香臺飄緲煙巒中聯  
娟修黛環簾櫳軒轅帝子渺然去不聞阮竹空聞鐘幽棲  
吾欲架深广卻愧蹤跡猶萍蓬詩成一笑且攜棹名山挂  
席焉能窮

晚坐

明倫彙編 家範典 卷一百一十二  
檻外花無語雲邊鳥自歸月痕依樹淡山影到窗微酒得醒時趣詩尋靜者機高軒漫過訪容易扣柴扉

王以銘字古彝歸安人嘉慶辛酉進士改庶吉士

詩話古彝乙卯冠南宮遭指摘後六年始補廷試得館選乃未及散館遂卒勿庵致卿貳而古彝偃蹇以終有幸有不幸豈非命歟

### 登第一山

層山窈窕削芙蓉靈秀真於此地鍾急雨聲飛晴澗水洪濤響落碧巖松鹿穿紅葉林間去人在斜陽洞口逢竟日逍遙渾不倦茅菴忽打暮天鐘

張井字芥航膚施人嘉慶辛酉進士官至河東河道總督有二竹齋詩集

### 送銅鼓藏焦山紀事

我有漢代之銅鼓來自南昌司馬家

萬廉山承紀

蠻風瘴雨幾

何載鞞骨完好無缺瑕闊徑三尺高殺一三疊微學蠡腰  
窪鼓心隆起儼碁局周遭怒踞六蝦蟆腰垂四耳便索貫

其中空洞下口參黝然古澤光可鑑通體細纈牛毛花恨

乏款識紀年月定伏波耶諸葛耶

據酈澗若考當是伏波鼓

二竹齋中

充清供偶逢過客出矜誇常恐神物工變化不甘閉置羈

籠笈忽憶焦山擅名勝中藏古物頗紛拏周漢二鼎最奇

絕得此踵事或增華梅溪老人笑絕倒云此位置真不差

豈知此語有漏洩山靈日夕思拜嘉坐使詩僧屢問訊

借僧

芥寓書梅溪詢銅鼓來山期

前言欲食愁掄擲一朝決計送汝去不須

墮淚隨風斜東過廣陵下揚子扁舟兩槳聲伊啞千年老

銅足精氣蛟龍未敢輕要遮天吳潛逃鼉鼉徒鮫人泣窟

奔虎鯨布帆安穩到初地山中童叟拍手譁諸天龍象大  
歡喜紫衣前導隨袈裟三熏三沐好度閣幸少泥薛勞別  
爬鐘魚齋鼓共晨夕障幕那無金條紗時有寒芒逼牛斗  
莫放光怪驚麋鹿當時鍊銅采赤堇陰陽供炭龍火加雷  
雨晦冥降神異亦如歐冶成鏌錮鑄成此鼓寄威信要息  
民夷爭犬牙大勝草龍要誓約底須歃血刑豚殺賽神合  
樂醉且舞峒丁谿女紛擊撾方今聖治曠無外梯航冠帶  
通幽遐坤維炎徼在庭戶蘆笙歡沸喧銅琶此鼓投閒供  
玩賞何如被濯歸耆闍入德木與洗兵氣懺除凡濁祛塵  
沙摩挲免歎在荆棘聽法或證波羅伽吐吞潮汐浥神霧  
沐浴日月涵雲霞佛天不老山不滅銅鼓之壽其無涯

蟠龍丈人歌和雲汀制府

海州雲臺山古松也宋徐積有東海大松歌制府名

之蟠龍丈人爲  
立石作歌求和

我聞拒格之松日月所出入直與元氣通呼吸亙古獨立  
大荒中世人何曾見鍼粒又聞負鄒巖前松龍鱗半空夭  
矯如有神雲幢星蓋儼侍從仙靈荒忽難具陳何如東海  
大松近郊甸

去州治四十里

撐空卧卧波人共見劫灰兵燹幾推排

此松龍顏終不變我未見此松誦詩復披圖

師禹門同年有此松圖

倏覺寒風謾謾生座隅奇姿譎態不可以思議縱有妙手  
難描摹松身拳曲才五尺平分兩榦各奇絕一榦橫走學  
長虹勢欲東窺尾閭泄舒肱探爪似與驪龍爭瘦骨枯纏  
萬年鐵忽然誇多鬪靡怒發千萬枝盤鬱玲瓏互糾結其  
一下趨欵上擬亦分兩株逞恢詭斗屈右臂如彎弓如柳  
三眠更三起又如常山之蛇擊其中首尾回環相角倚一

松幻就百龍身游戲神通乃至此吁嗟乎此松之奇天下  
無大如山河分兩戒細者鬚鬣瓔珞珠蜿蜒詰曲無相不  
具足怖伏鯨虬奔天吳贈之蟠龍名奉以丈人號風過掀  
髯應一笑借問丈人年依稀記在商周前應是當年大禹  
治水驅龍走一龍偃蹇不肯受作使風雨直到海東頭蛻  
形化作支離叟宇內豔說黃山松最奇一株稱卧龍田盤  
山中多偃蓋每邀龍輦誇遭逢此皆蒼古世無比莫與丈  
人論甲子洞庭龍威尙恐難肩隨穆墜秦封雲祕耳噫吁  
嘻古稱壽考多不材似爾變化何雄哉蒼生霖雨有人在  
偶貪高卧非衰隤君不見海濱昨夜風雷厲丈人又作擎  
雲勢

黃石齋先生手書周忠介公神道碑墨跡卷

後死文章貴先生志節同千言寫孤憤一卷得雙忠事去  
天如夢悲來筆有風想當揮灑處嚼齒恨無窮

鄧廷楨字懈筠江甯人嘉慶辛酉進士歷官閩浙總督

罷起授甘肅布政使陝西巡撫有雙硯齋詩集

詩話懈筠自詞曹出寧聲績甚著超授陝西廉使坐  
典郡時瀛獄未當罷官再起府陟圻撫安徽最久  
嘗以韻語論治術命曰入箴因以名其堂薛仕丹於  
庭花時品集歲必有詩遷督兩廣正循禁煙之役與  
林文忠共事尋移節閩浙賦酷相思詞寄又忠曰百  
五芳期過也未但節吹催干騎看珠解盈盈分兩地  
君住也緣何意農去也緣何意召緩徵和醫並至眼  
下病肩頭事怕愁重和春擔不起農去也心應碎君  
住也心應碎其時兵事方棘朝旨漸移故其言淒絕  
及同戍伊犁日以詩詞相酬答冰霜辛苦之音樓宇  
高寒之旨纏綿悱惻變雅之邊召還撫改文忠亦復  
起集用編年體以迎文忠東歸詩終卷蓋不久卽下  
世矣其詩於藻麗豐縟之中存簡質清剛

召伯湖



明詩卷之二十一  
召伯湖千頃鳴榔處處聞沙痕隨岸盡帆影隔隄分霧重  
溼如雨鴉多飛作雲聯吟興不減把酒話斜曛

嘉嶺山尋范文正公讀書處

乙亥二月月幾望捧檄延州度千嶂馬頭忽現嘉嶺山大  
字摹崖屹相向怪螭蟠屈瘦蛟舞乃是龍圖老子之筆仗  
聞道當年帥此邦屢躡巉巖奇幽曠手持蝨簡揖山靈一  
種清虛悅來貺我覽公書心已欽我思公蹟神逾王初爲  
運轉副夏竦繼以曹郎扼邊障罷權招流亡營田省輸饟  
堅壁老敵師焚書斥賊妄一十二砦脣齒聯萬八千軍虎  
貔壯威名不屑淮陰韓盛德應同丞相亮坐使西人破膽  
驚卻馬回戈不敢抗豈知公餘晷整暇獻歌更踞茲山上  
方悟胸中數萬兵都由五千拄腹撐腸相醞釀我來登山

尋舊蹟豈有遺民足諮訪山前聞清鐘山後發樵唱摘星  
無復轟危樓古井空餘白雲漾嗟哉九京安可作仰止高  
山意惻悵他年青鞵布鞵游圭峯定從霧閣雲窗覩真相  
圭峯公少時  
讀書處也

玉泉院

繚垣低連蝮曲廊深窸窣樓頰平川遠山壓孤亭小微風  
生古木薄靄暗疏篠來游及青春光景媚清曉嵐氣不可  
逼仙掌視縹緲安能躡蓮峯長嘯出塵表

玉泉聲潺潺直向螭口瀉雹霰落空際琴筑響階下文螯  
碧苔淺小約斷虹跨澗澗鑑毛髮蜿蜒過廊榭巖杏含新  
苞照影弄嬌姘我思酌匏尊更向道人借

希夷闢洞天雲護石龕邃青牛入關後復此仙跡異墮驢

有真識化蝶示幽寄巾拂無纖塵鬚眉映空翠我欲從之  
游窺破元關祕先生爲余言能覺乃許睡

登鎮北臺

在紅石峽東明延綏巡撫涂宗濬建

三邊烽火無驚日我輩從容上此臺震耳河聲穿峽走盪  
胸雲氣壓城來平蕪壁壘軍容在小隊弓刀獵陣開盛世  
未應忘設險登壇飛將要儲才

過定州

縹馬中山尙戴星侵尋曉色散林垌平沙直走滹沱白遠  
岫遙連上谷青盆石祇今留雪浪甌椎何處覓蘭亭煎茶  
孤負花瓷好爲報郵籤不肯停

渭南遇雨

白楊風裏雨瀟瀟古驛泥深路轉遙卻憶到家時節好隔

江紅樹過江潮

劉黃頭行

元氏鄙人劉黃頭，剛地得石一方，弗之異也。視之有字，乃乞識字者審視之，則石爲

唐故宣州尉某公之配賈夫人墓誌銘。書者爲夫人猶子文，別綴一行云：後一千三百年爲劉黃頭所發。黃頭聞其有己名也，乃大駭異。縣之人亦相與詫歎之。事聞於太守陶公，梟香下縣令拓一紙，考其所推年數，蓋誌作於唐建中二年。逮今實一千百三年，而誌云一千三百年，爲小誤。然劉黃頭之名，適合固亦奇矣。太守搨以見贈，爲作此詩。

堂封馬鬣何年毀，平楚蒼涼暮煙起。野人剛地聞登登，片石規方土花紫。誰與剛者劉黃頭，一丁不識鋤不休。村學蒙師辨點畫，拂拭諦眎文鉤翰。最後分明字十二，千三百年乃出地。大書深刻黃頭名，拍手譁然稱怪事。太守嗜古兼嗜奇，聞之亟令施氈椎文體。猶餘六朝習書法，秀整眞唐碑。長沙後人有淑媛，冰雪空闈淚如霰。半世枯骸託外

明倫彙編 家範典 卷一百一十一  
家一坏淺土辭鄉縣作誌先計發冢年數雖小誤名則傳  
何物黃頭細民耳應讖乃在千秋前我云此事安足怪傳  
會神奇毋乃太才人作意誇精能造物無端弄狡獪冰泮  
滄沱石墨新人閒知有賈夫人他年集古重編錄更與黃  
頭記夙因

九日集抱甕園賦詩甚歡翼日乃大風雨用惜抱軒  
集中獵日次重九詩韻東異之

侏儒飽死笑臣朔豈識天機謝彫斲吾儕相求重聲氣不  
與囂囂競風颯各從領下抱驪珠那肯懷中藏鼠璞舒州  
山水本奇絕我與君來錫雙卓昨逢重九秋氣清共款園  
扉無剝啄登高姑一陟附婁矯首龍山青黛撲風吹阜帽  
歌烏烏我亦相從如獵較文昌

張虎兒

昭諫

羅抑山

躡跡至筮

得朋簪手重握陸璣草木劇紛綸郭璞蟲魚更班駁須臾  
客去余就睡江上西風動清角明晨急雨寒瀟瀟雲氣蒼  
黃溼寥邈側聞先生夜無寐吟聲非夢亦非覺陰晴未許  
周髀算悲愉有似迷藏捉曠觀區宇解先憂頰睇縹緗啞  
獨學作詩摩壘再致師酬答勿辭朋友數

贈林心北

少穆尙書  
少子也

冰天隨侍鞚驕驄帕首鞞刀尙州童犀角定應他日貴豹  
斑誰復此郎同政如渡海攜蘇過時以通家候孔融不礙  
土龍多笑疾老夫甘作晉司空

癸卯閏秋被命東歸少穆尙書以詩贈行次韻卻寄  
秋淨天山正合圍忽傳寬大許東歸餘生幸保精魂在往  
日沈思事業非遇雨羣疑知並釋搏風獨翼讓先飛河梁

自古傷心地無那分攜淚滿衣

事如春夢本無痕絕塞生還獨戴恩未必茝蘭香共孽要  
留薑桂性常存百年多難思招隱半壁殷憂敢放言此去  
刀環聽續唱遲公歸騎向青門

甘州

自別酒泉問張掖直迎弱水下刪丹九州地到流沙盡兩  
戒山連大漠寒度土司空懷德遠登壇飛將歎才難開元  
舊曲聲悲壯擬倩曹綱妙手彈

唐開寶間曲有  
甘州涼州諸調

少穆被命還朝以詩二章迎之

高皇拓地越烏秣聖主籌邊軼漢家擬向輪臺置田卒特  
教博望泛秋楂八城戶版輸泉賦千騎旃裘擁節華載筆  
他年增掌故羈臣乘傳盡流沙

少穆自伊犁戍所奉命履  
勘回疆新墾地畝馳驅越

歲徧歷入城得旨以四  
五品京堂回京候補

夔虻心事最憐君燕羽差池惜暫分宣室忽聞新渙汗霸  
陵真起故將軍春風遠度天山雪卿月重依帝闕雲往歲  
詩篇盟息壤道周相候慰離羣去春有奉懷詩云造物似  
有意實我於道周且晚迎

公歸慰我  
朝飢餓

潘恭辰字撫凝錢塘人嘉慶辛酉進士改庶吉士授編  
修歷官雲南布政使有紅茶吟藁

西湖春詞

絲絲社雨溼湖涯簇蝶羅裙小隊借一徑蘼蕪春不掃風  
前齊試踏青鞋

酒家半住綠楊津日日湖頭采紫蕪畫出醉鄉煙景好柳  
花風滿一帘春



琴鳴舊廬餞別頗伽兼山各贈一詩

楓落吳江可奈何  
布帆此去又煙波  
新翻豔曲和凝老  
舊領狂名杜牧多  
一劍恥爲州將客  
三杯應入飲仙歌  
靈峯瀑雨韜光竹  
好待春風約再過

不須涕淚灑江皋  
二十吳郎氣自豪  
萬里久隨山簡馬  
一官賸有呂虔刀  
當筵且共傾三雅  
對客猶能誦六朝  
好去臨歧莫惆悵  
虞山落葉晚蕭蕭

葉紹本字仁甫號筠潭歸安人嘉慶辛酉進士改庶吉士授編修歷官山西布政使降鴻臚寺卿有白鶴山房詩鈔

房詩鈔

詩話仁甫嘗從錢竹汀游爲詩恪守師訓不事險怪綺靡以雄深雅健爲宗故能力追大家氣象宏博其論詩絕句云何李詩篇晒未休紛紛撼樹總蚍蜉蓬頭攀耳登徒婦翻妒東家眉黛修白雪樓高氣自清

兪州健筆亦縱橫憑君莫信虞山語浪子前朝本籍  
名絕覺生謂其崇李何之正軌黜虞山之邪說誠爲  
言知

### 吳江城外

艇子嘔啞日未午楓林葉落碧煙平溼雲過樹不成雨溪  
水放田時有聲疎竹陰邊開野寺寒蘆盡處見江城鴟夷  
舊跡今何在湖上青螺幾點橫

### 楓橋東朱蔬坪太史

鈴

吳江霜冷泛疎篷爲訪茗西玉局翁隱几公方注秋水開  
軒人似坐春風寒山鐘斷楓千樹老圃香濃菊一叢回首  
舊游清興在畫船燈火月明中

### 淞江道中

江晚歸舟疾風帆半整斜鴨頭浮碧漲魚尾落紅霞棹轉

山移影潮來岸沒沙蘊蘊猶此地懷古一咨嗟

題朱笥河先生游玉華洞詩卷

此卷笥河先生門下士姜照鄰茂才所藏

詩筆奇古可以不朽余於笥河先生爲年家子幸得附館後進又以視學來斯士皆先生春風化雨之區流風遺韻閩土猶豔稱之閱是卷爲之神往不置爰題五言於後而歸之

鐔劍多名山窅窳富巖洞真靈所窟宅倏詭等鑿空金羊  
立而娛石蜨蟠且犴華鬢現佛國銀島關仙棟中天月常  
皎太古雪不凍其他狡獪狀如入大羅夢一一象逼眞目  
眴神欲瞽將溪峯萬疊游者每停鞞天恐東南平搏攫爲  
此弄祕鑰何年開輿騎笑一闕朱公香案吏才思吐白鳳  
軺乘偶經行雲龕探鴻峒芒屨忘冠蓋弗憚踏煙霧遂令  
華陽天奇景筆端貢文參絳池奧語壓韓陵重瀾翻二千  
字字字爛錦幪眞書更奇絕詰屈句難誦商尊鑄辛癸獵

碣發秦雍三者皆不刊精鏐巧磨礪洪維作人世藜閣儲  
才眾一代數儒林大興兩伯仲當時名譽盛傾倒及謙從  
持衡迭交替海內推二宋椒花古吟舫巾屨互錯綜戴斗  
望奎躔頰說文陣統相公業更隆霖雨國鈞用翹材啟黃  
閣鶴髮傳邁種賢哉競爽哲盛節驚愚惹誰識廿年來道  
山盡雲封安期舄不歸峴首碑堪慟此卷幾流傳金題委  
荒陬蝸涎與蝨蝕奇句孰吟諷姜君泉山彥珊瑚衛子贛  
當年坐春風樹楷有餘痛辛勤搜故紙歡若獲寶瓊完璧  
付裝池天衣補無縫此意真古人青藍見誠衷我忝通門  
誼冰署後塵頌奉命使炎暉復此糜清俸堂欽鞞雅題石  
志笥僊供所慚凡鳥姿雲表那騰翼靈威披古簡快餉益  
智粳再拜薦寒泉仙雲照瑤籟

大玲瓏山館消寒第三集梧門學士出示所藏順治

壬辰乙未戊戌三科進士履歷輒作長歌題其後

梧門先生雅嗜古奇書蠹簡無不搜衝寒車騎忽過我示

我陳帙光盈眸名經千佛羅祕冊三科彙榜羣材收順治

壬辰越戊戌里居甲第詳部州英雄入彀千二百一一標

注某水邱出何經房系何氏細字件繫如蠅頭護兒之兒

蘇瓊子亦有家學承箕裘簡長盈尺博四寸麻沙版樣黎

棗鍤高昇書肆志新刻紅箋色黯猶風流憶昔先皇泐洪

業威懾薄海來共球武功旣燁文治盛鶴書鳳詔馳遐陬

登揚往往得奇傑外爲方召中伊周卽如此編志姓氏范

忠貞湯文正偉望誰與侔其他公輔盡碩器黃岡宗伯李感相

公熊推殊尤漁洋老人況詞伯後先韉鄂葩華抽西樵王乙未

補殿試漁洋乙未流傳有數信非偶明德要使輝千秋紫  
中式戊戌殿試陽信國兩名錄後人珍惜同琳瑯古今賢哲總一轍那能  
軒輊均鈿鈞年年雁塔數百輩孰似此軼名炳彪願公珍  
重緘藤笈虹氣夜夜徹斗牛

涵秋閣晚眺

幽居乍卜六街南雲影蕭疎日影含濃綠四圍天一角危  
青半挹嶺千簪輭塵到此都如洗野色閒來最足耽卻愧  
山人拋世網谿藤貪寫富春嵐

孔昭虔字元敬號荃溪曲阜人嘉慶辛酉進士改庶吉

士授編修歷官貴州布政使有鏡虹吟室遺集

詩話荃溪詩風骨高騫辭藻豐得卿隣者常熟漢氏  
女初爲王渭璜宣望妾渭璜敗朝貴以贈鈕祜祿致  
齋和珅致齋復敗乃流落民間荃溪爲作卿隣曲同  
時陳雲伯文述亦賦斯篇皆數梅村體異曲同工

江南道中

雁聲吹過古徐州又向江湖歎敝裘  
兩岸菰蒲蕭寺晚一鞭風雨亂山秋  
天涯作客悲王粲逆旅何人識馬周  
惆悵年華同逝水夕陽無語自西流

車中偶成

城角寒煙冷暮鴉亂山霜葉鎖殘霞  
夕陽影裏人家晚秋在一村蒺藜花

馬宗璉字器之又字魯陳桐城人嘉慶辛酉進士有校

經堂詩鈔

詩話器之精學經訓阮文達視學兩浙辟爲襄校經籍纂註凡例卽出其手後舉秋帆修史纂考亦延爲分纂所著左傳補注王伯申稱其書與顧亭林惠定宇說相表裏可稱鼎足

登景州塔

浮圖層級鬱崔嵬隋代開皇計丈栽佞佛六朝餘舍利登  
高四面接雲霓水從白馬河中出山自盧龍塞外來滄景  
風煙連北地幾經節鎮失雄才

雷州陸公泉

疊煙瘴雨倍思家汲水閒烹顧渚茶似到秋深無客至海  
桐花放日西斜

送孫覺才歸無錫

十年京洛無知己花市槐街喜接蹤江左聲華推謝鳳汝  
南月旦重荀龍梁溪夜鼓煙間權蕭寺春寒日暮鐘莫爲  
田園羈駿足待君同看掖門松

八月四日與左良宇叔固方展卿由勝溪入宋家嶺  
暢覽龍眠山色月出始歸



則明朱言臣卷一 下 一 二 三  
故鄉山水區循途洽幽尙古木極陰森層巒分疊嶂履石  
渡潺湲荇藻微紋濛峭壁傍迴溪爭奇不相讓過嶺見平  
疇樵風忽輕颺陰陽蓄異形耳目益昭曠若匪入山深孰  
辨峯殊狀唐宋善游人題名互相望倏忽千百年見者倍  
惆悵盛會難再逢高詠庶相抗

自朱莊往皖城效放翁體贈愚谷

久羨山村樂事賒柴門幾日駐征車興酣自飲雞鳴酒午  
倦頻烹雀舌茶兩岸夕陽飛宿鷺隔林紅葉噪歸鴉詩情  
不爲游蹤減擬向江頭看晚霞

齋中偶作

洙泗傳六經精義備搜討如懸日月光斯文常皓皓藏書  
魯壁中簡策幸完好西京家法嚴師承原大道劉歆七略

存窮源供參考鄭氏守澗書東都仗一老障澤回狂瀾疏  
川跨行潦六代南北分無敢妄摘藻柰何異說興新學逞  
臆造古義日以湮先澤日以槁盛代首崇儒琳瑯分派蚤  
漢世重石渠隋書耀鴻寶宏博遍儒林述造付黎棗深遂  
邁宋唐再見中天杲

懷王伯申

太乙頻看降紫庭劉歆再世闡全經淮南久建藏書室薊  
北還依問字庭一徑草深煙漠漠六街花落雨冥冥何時  
共翦西窗燭金石遺文證鼎銘

題侯貞友畫蘭

采蘭搴杜若仿佛到瀟湘之子江南住空山正夕陽余情  
甚芬美片石亦蒼涼建業秋蕭瑟誰堪共舉觴

登迎江塔懷胡雒君浙西

涼秋景物最淒清  
曠覽平原爽氣生  
塔院半天飄梵語  
僧廊終夜走江聲  
聖因月自三潭出  
靈隱鐘隨一雁鳴  
此際臨風倍惆悵  
愁心飛渡越王城

大鴻嶺

縱目巍峩得勝場  
晴霞眾壑倏陰陽  
地連宣歙標孤柱  
江注錢塘此濫觴  
朝日鯨波開蜃市  
晚煙人語出羊腸  
村巖虎警勤宵柝  
旅舍挑鐙夜倍長

黔縣道中

谷口暝煙生疑近  
幽人宅小草媚秋光  
寒潭蔭深碧村舍  
倏周遭巖居互開闢  
仄逕忽旁通不患前溪隔  
澗樸愛山農憫予滯行役

虎阜寺

來訪齊梁古道場寺門新放木樨香方池月照珠生水古  
墓風寒劍拂霜花石高低圍法界鐘魚寥亮出齋堂烹茶  
可繼中冷美天下名泉我徧嘗

蕭元吉字象占號謙谷高安人嘉慶辛酉舉人官河南

知府有綠杉野屋詩集

詩話謙谷出宰中州自唐縣移祥符所至有循聲牧  
許州二十年尤有惠政喪還過許許民聚哭數十里  
不絕其入人之深如此詩篤雅工琢句如楊柳幾番  
經雨雪松杉猶自足樵蘇宛南名士吟梁父洛下耆  
英愧潞公豈料李侯難蜀道莫尋何武痛梁州但  
將天地扁舟入況有煙霞尺宅存皆七言佳句也

澗池曉發

趙瑟秦聲一夢中會盟臺畔五更風雲銜曉日如新月澗  
滿朝霞飲斷虹營窟門猶分上下迴坡路不辨西東青嵩

碧洛遙相接回首峻陵夕照紅

許州廳事之西小孟刺史闢圃築山蒔花養魚於其

中長句奉題

冷然始信御風行又見雲間雁影橫泗水波中千佛塔萬  
花堆裏一書生英飛小院春常滿鱗養方塘月不驚迴首  
舊游真是夢花潭千尺讓深情

王澤字子卿蕪湖人嘉慶辛酉進士歷官徐州知府署

贛南道有觀齋集

詩話子卿致仕歸於陶塘尋張于湖舊居及吳波亭  
故址葺希古園與江鄉耆舊闢韻飛鶴時黃勤敏亦  
以老告歸大江南北稱爲蕪湖二老世豔稱之郭頌  
御贈子卿詩云近日詩人如束筍一夕風霜等朝菌  
肯逐春華與同盡

自太湖至省宿茶鋪嶺

缺月耿初夕荒寒野店開松聲一枕落茅屋萬山堆愁豈  
婦能去春還遲不來思親今夜夢已近半程回

周際華字石藩貴陽人嘉慶辛酉進士授中書改教授

歷官江都知縣有嘉蔭堂詩鈔

詩話石藩宰輝縣最久教士恤民興利除弊旣去民  
思久而不沫余寄寓於輝每聞士夫語石藩遺愛津  
津不去口其子年少而才  
工楷法余少時亦嘗見之

送族弟聽松燾赴南河工次

相馬不嫌瘦相士不嫌狂深知此意惟孫陽得邀一顧終  
騰驥天生我才必有耦北牡驪黃恣眾口兩人白眼一時  
青爲惜別離重執手廣陵風雨海門波問君何事趨南河  
南河通天入雲漢年年槎客此經過君駒千里我如何

孫徵君祠

歸然喬嶽像耆宿更誰尊道脈薪傳火叢祠竹滿門著書  
今尙在種柳已無存寂寞南村路雲初幾代孫

樂昌縣

石橋低跨小山了薜荔飄香冒白花高出一帘雲水外柳  
陰茅舍夕陽斜

揚州

香風冉冉透禪關水榭雲亭紫翠環我欲傳花攜酒去最  
留人是小金山

潘業字惕若號敬亭魯山人嘉慶辛酉進士官長汀知  
縣有聽雪山房詩集

行縣夜宿胡民部鶴汀山莊和壁間韻

半通墨綬一官微滋味仍然是布衣無可柰何甘蠖伏不

如歸去羨鴻飛山衙看竹隨流水別墅停驂送夕霏縱令  
塵襟能暫滌夢魂猶自戀彤扉

張瓊英字鶴舫永豐人嘉慶辛酉進士官饒州教授有  
采馨堂詩集

讀黃文節公詩集書後

天籟蕩空虛風騷豁門戶韓蘇譬齊秦李杜角晉楚代興  
得涪翁三駕復牛耳蹠河巨靈掌若月老人斧海浴鵬噉  
褰峽劈蠶叢阻珠絲九曲引石髓五色補空山瘦霜骨僵  
竹卧龍虎時湧梵王音清泉雜風雨直證南宗果詎獨西  
江祖七葉本一花草堂實宗主性情植之根蒼雅藻其宇  
真宰苟不存敝帚成枯腐當時辦香眾羊曇秀駒父舍人  
實區區祧蘇以配杜一鶚豈不貴頗厭喧百羽吾道紛騎



明末言 卷一 下 一  
牆知非公所許廬阜與峨岷嶙峋相仰俯或乃譏旁仄索  
癥到媯媯窮子詫珠金藍縷妒纂組誰知良工心慘澹閱  
千古惜哉六百年傳衣竟誰與漫漶鄱陽本寥落青神譜  
新編北平校面目復真睹來者諒不誣蒙姿實愧魯天涯  
抱殘篋鄉先見風矩安得雙井泉爲我浣肺腑

潯陽舟次望廬山白雪

掛帆入海口湖波生綺紋風日澄秋楚天霽遙見廬山之  
白雲羣山合杳迷前後雲氣滃濛扶之走一峰忽捲雲向  
空秀色蒼蒼接南斗溼翠洗我眼睛光瑩我心以手攬之  
不盈襟有時絕嶺照古雪凍碧積素疑崑岑被風吹落飛  
瀑處又如銀河濯練皎皎垂千尋山外縹緲猶若此山中  
奇絕可知矣借問誰續虎溪游後有髯蘇前者李五老仙

人衣紫霞香鑪合侍玉皇家中有瑤草問丹砂安得風馬  
隨覓車朝游滄洲暮蓬萊飄飄太虛戲九垓卻騎白鹿歸  
山來笑揖匡君亦快哉

訪歐陽厚菴

張銘之

光勛

徐南溟

泮

戲爲口占

空齋局促如蝟縮羨汝同心不幽獨長筵離坐已成參得  
我定須周四角入門倒裳無所迎亦無吟唔誦經聲一人  
鈔書手不綴墨花恣染鵝毛雪一人偃蹇竹方牀鑪香幽  
幽龜息長一人若睡若不睡枕落蠹書驚客至我觀諸子  
態各殊於中何者可置吾偉哉萬物適其適逕取東窗白  
玉壺

宿山寺

梵宮人定後殘夜寂無譁鈴語檐風細簾鉤山月斜緜經

形則集言卷之二  
三  
心自息吟句手還又明發辭桑下茫茫三宿賒

同樂蓮裳夜話

涼宵蟲響急離緒酒腸牽話兩人如夢開簾月在天鶴擎  
秋影瘦花溼露香偏又下淮南葉秋風正悄然

小室

氤氳手炷古鑪煙行藥攤書自在便閒裏睡鄉無一事覺  
來人境似千年花林影地風搖動沼水涵空月定圓馳訪  
海山終未易寥寥小室有諸天

客館

官館因閒得醉頻山風消暑覺詩新眼前事過皆爲化胸  
次秋清豈異春便與蒼松爲野友應勝阜蓋作官人白頭  
一榻剛凝夢花氣醒禪月滿身

汪仲洋字少海成都人嘉慶辛酉舉人官錢塘知縣有

心知堂詩藁

姚春木曰蜀多詩人張翰林問陶之詩奇險捷出不  
主故常其極注於能道人意中事而止汪子沈絕奧  
鑿句鏤字鍛又善用事相佐證翰林詩以天勝汪子  
兼盡學力王柳村曰少海句奇語重大氣包舉惟  
杜韓腕下有之巫峽  
峩峩之秀鍾於此矣  
詩話蜀中作者多尙才氣亦其山川足以發之少海  
以紀游懷古爲擅場在當時名與船山相亞情韻圖  
美處稍遜排募鑿刻更  
欲爭勝洵不媿駘斬也

武連驛用陸放翁韻

蜀道前期又後期文章得失總難知  
三秋客思連雲棧萬里鄉愁兩鬢絲  
殘照滿衣歸店早亂山圍夢到家遲  
雞聲未唱人爭起可似金門射策時

小劍山

只疑雲欲飛不知山勢峭瀟灑出清挺孤立更娟妙銀漢  
淬寒鋒銳利不可鞘劃破漏天漏媧皇補不到絕壑凝元  
陰萬古雪如縞自從天地開日月光未照山鬼與木客隱  
隱雜嘯笑安得壁上行絕頂訪祠廟

山頂有武  
侯祠宇

### 五丁峽

我家上清峯來從青天上手捫參井光四顧神何王訇然  
開劍門羣山綠如浪十日披煙嵐所至意皆當打頭橫絕  
崖忽與行人抗引領千仞高不辨峯背向捲地生潮聲滔  
滔水名漾策馬隨飛湍始見峽門壯砵崖裂蒼玉一隙露  
開放螺旋而蟻穿怪石相偎傍就下稍寬平江流不肯讓  
摩空揚巨刃五丁殊奇勗想當開鑿時風雷爭簸盪美女  
顏妖嬈金牛氣悽愴試問商周前飛越更何狀

觀音碣

竇裏嵌天光四圍是積鐵我從壁上行盤空數十折嵯岈  
千丈峯突如雲出穴猿狖失攀援鷹隼愁飛越堂堂買中  
丞手持天上節縱火燒礮屋橫腰鑿一缺怪石當人頭補  
天懸破裂積霞飛不去丹嶂捫猶熱飛瀑濺石梁浪花凍  
成雪流爲百丈潭無風自澄徹山迴人亦轉劃然風景別  
歲晚行路難吁嗟心兀兀

孟津渡河

誰將銀漢瀉崑崙九曲風濤漸不渾龍馬千年開北戒乾  
坤一綫劃中原當時白璧沈秋水隔岸青山近孟門便欲  
乘槎天上去支機摩訪舊題痕

題惺甫夫子西行草後

西游不肯變商聲日有新詩當紀程貢馬使來光祿塞射  
雕人住受降城周家遣戍多風雅漢室屯田用老成聽到  
笛中吹折柳黃河源上望燕京

燕然山

燕然山色鬱蒼蒼此地曾爲古戰場班氏才華餘史筆漢  
家功業半椒房邊城野草連天白塞上秋雲布地黃勒石  
不知何處去也隨炎運付滄桑

秋夜東魯輿

木葉脫如雨秋聲何處風遙從天地外吹落寸心中獨夜  
無長夢繁星滿太空不知河漢轉引領失西東

夏翼朝字循咳一字稊薊江陰人嘉慶辛酉舉人官淮  
安教授有蠓廬詩集

萊臧賦贈泰始輒硯歌奉酬長句

赤雲初卷秋氣涼庭柯櫛參簷日黃蕉衫落拓款扉至泖

東野客萊臧也嫌廬二字覃殊軒昂蠓廬慣羈長者轍深慙長者轍重得故人書余齋楹帖

數畝資耕穰綺函髹匣久珍閱鼠璞什襲嗤疎狂典午丸

泥重陶埴躡端踰歛誰評量士衡嗜古有卓識摩挲嗟歎

長毋忘審定點畫巖電炯殷勤叩我來何方李侯昔日辭

蓬島一封墨綬淮南道申者先生出庶常改官鳳臺縣令八公山古貯煙

霞廉頗邱荒菽秔稻治譜常懷運巖勤清吟時伴陶泓老

單騎班春出郭行聞共龕僧事幽討先於資聖寺壁得元康數百餘枚嗣得永

種物之顯晦信有時也善太和泰始等輒十數牆陰隱起闌干紋土繡爛斑字完

好長九寸二博半之晉武泰始十年造旁有旂人陳黑名



或云督將姑弗考憶自陳騫鎮壽春千五百年舊城堡銅  
駝宮殿盡荆榛僅餘殘壘球圖寶筆法古樸蒼勁儲東京  
碑額輪精藻良工手擘墨池雲衙齋花落仙人埽萬重緹  
縉寄雙魚削檳恩恩不暇草君聞此說心顏開快掛絲蟻  
傾金鼎追摹斯籀寘懷衷翌日急走長鬚來淋漓大筆媿  
韓孟陸離璀璨驚雄才解注學孳溯轂穀雕績狀貌窮胚  
胎五鳳五年檢漢紀蘇齋辨證歲月該漢五鳳五年輒覃  
改甘露元年之物浙游之地去陝關遠春初作孫吳寶鼎  
輒故仍稱五鳳五年籀石宗伯釋爲三年非也孫吳寶鼎  
雁嶺出竹垞跋語尤奇瑰曝書亭集有吳輒跋斯輒縝密無薛  
暴蜀師天册元康陪何人搏土受模范瓦礫棄擲煙莓苔  
蟲涎粉蛀耀光采那肯埋滅隨劫灰新詩琅琅字三百八  
甄吟館同鴻裁芸臺官保有  
八輒吟館集自笑空拈兔園冊緇塵屢染

長安陌石交喜結文字綠蟾蜍注水搖寒碧蚪書鳥迹辨  
模糊嶧山難訪秦時石漫將蠹扁細商量幾能煤麝功勛  
策蛟慵螭懶蚯蚓蟠學書未成手如戟銷盡桑生鐵一方  
磨墨磨人慨陳迹刮膜重看甄上文日日臨池望三益歌  
罷濡毫寫赫躡陰麋光射窗紗白

中秋四首和顏伽居士靈芬館韻

浙瀝宵未歇古砌吟秋蟲浮雲翳朗月望眼徒朦朧故園  
阻長道攬景區異同蕭瑟怯衣單披拂憐雌風幸有插架  
書寢饋於其中黃初暨大厯尙友忻相逢

亂峰障淮濱善稻穀梁記我來閱五稔端居祇蕉萃從游  
有棊葩推敲詩律細檐際青琅玕積陰新粉墜良辰正團  
樂棣華念子季何當賃廡春鹿車挽椎髻

影附卷書臣一一百一  
三下  
中秋與上元晴雨無二天此說太拘泥印板胡云然譬如  
人墮地通塞難強焉塗泥軒冕判詎必關愚賢蟾光偶匿  
彩華鏡足清懽莫徇猥瑣輩隨俗爲暄寒

流光荏苒去旣去還復來但願人長久坡老時低徊嬋娟  
千里共窮愁安論哉坎壈增感傷懷舊賦八哀誰著五銖  
衣輕舉凌塵埃冰輪十分滿對影酬深杯

宋丈實父學博以家禮谷

之卷

檢討半舫詩集暨筠

莊之芳侍御所纂漢名臣言行錄見餉並附佳石

屬鑄私印賦長歌二十韻

吾家珠湖兩太史名譽烜赫傳神州棣華競爽重文苑如

椽健筆今枚鄒微雲快婿我執友

學博前後兩娶係兩太史女孫

怡然相

見京華秋寓書遠餉二專集發函珍重逾琅球鴻博新詩

號半舫淵明子厚高唱酬

檢討晚年特好陶柳二集門人茹敦和詩序中語

甲古

懷賢意蒼莽直與魏晉樂府侔追和韓蘇石鼓韻木難火

齊珊瑚鉤當年衡文赴東粵藥籠葭朮殷懃收我讀斯編

望洋歎崑崙源瀉黃河流筠莊侍御粹經術淹貫史籍無

全牛兩漢名臣錄嘉懿發凡起例精校讐班書范志最閎

富饋貧幾册充乾餼手定禹貢彙覽注己山作序力闡幽

王漢階太史係侍御同歲生 隲括毛見寅稱善本鏗鏗經說童蒙求

此稟蕭齋久藏弄副以茲刻光凝眸先生歸去日無事兼

鐸宿州引疾已十年矣但藉著述銷窮愁謝病應同孔巢父稽古不

讓李鄴侯貽來絕勝百朋錫一瓚何用增煩憂衰年竊笑

手腕弱桃花魚腦艱雕鏤付與牀頭捉刀客細商孺扁蝻

蛟蚪幼時曾學家刻輒復棄去數十年來久不索

書劉文清公家言長卷後

公視學直隸時寄姬人月  
華居士手札共廿餘通卷

長丈餘今藏安邸  
劉莊年觀察家

油螺松餅諳鄉味  
瑣屑家言一一搜緘付月華  
居士讀不教韋陟擅風流

中閨才調更清腴  
筆法簪花妙不殊  
冀北衡文宵漏永  
輕寒半臂寄曾無

蕭煒字青南號乙齋  
高安人嘉慶辛酉舉人  
有乙齋詩鈔

下第出都赴汴梁  
呈同行胡魯齋熊芋香

日歸長策少金盡  
更紆徐苦費中人產  
高乘下澤車休登  
廣武歎聊訪信陵居  
吾道瘦瓢在酣歌且莫疏

貴溪謁謝文節祠

一書堅卻聘已辨首陽飢  
慷慨攀髯志從容賣卜時  
江山鄰汐社俎豆並文祠  
龍虎蒼蒼色千秋拜水湄

焦循字里堂江都人嘉慶辛酉舉人有雕菰樓集

阮芸臺曰里堂樸厚篤學遠於經義尤精天文步算  
爬梳抉摘多前人所未發餘事爲詩詞亦皆老成  
詩話里堂詩質而有味一洗俗韻亦無經生膚廓之  
習集中與人論詩云雕菰易工高曠難學勿卑齊梁  
其格非弱古律之問實爲之益自道  
所得之言也子虎玉詩亦有淵源

佛峪

朝從佛峪游五步一回曲懸厓  
愕人意亂石躓馬足窗收  
鐵角雲樹接龍潭綠綵安得李營邱  
圖之饋凡俗

冬日雜吟

古墓犁爲田古田築爲墓  
消息如川流逝者誰能駐  
村媪無是非抵掌話今古  
村老無禮儀酌酒辨賓主  
捆藁障隙

風倚柯運齊斧計歲爲饗飧方寸絕城府隨序樂有餘自  
食力勤苦

勤苦在祖父游惰在子孫粗糲日以厭視聽日以昏既恥  
樸陋見鮮服行市門市門無藉多交結爲攀援惟詡飲博  
豪不聞田舍言田舍一朝盡單子無饗飧

儒者崇空虛聚徒說心性莠民亦效之左道干法令食芹  
莫食蛭食蛭生痾病事儒莫事魔事魔絕身命大道若路  
然孝弟重百行烹肉養尊親殷殷告眾姓

負販不得意白頭爲蒙師茅堂儂背入窗紙明朝曦童子  
六七人課餘相爲炊瓦盆燒枯桑一屋春熙熙珠盤粟米  
習雜字券荊宜捫蝨誨不倦安用風雲詞

夕陽

共道夕陽好晚來晴更宜纔明半灣水已上最高枝雨腳  
逐雲去虹頭飲澗遲人情知易厭不肯駐多時

湖村

湖村足棲止兩歲覺秋清霜肅葉還綠吟高鳥不驚競心  
緣病息衰髮逐秋生只願親身健年荒亦太平

買菊

重陽風雨徧揚州買得秋花又一秋說是傲霜吾不信朝  
來籬下總垂頭

贈漁父

煙水菰蘆一釣橫偶然相遇說平生姓名本未傳人世不  
用逢人變姓名

張興鏞字金治江蘇華亭人嘉慶辛酉舉人有紅椒山



館詩鈔

游亭林寶雲寺訪顧侍郎讀書堆洗研池遺跡并讀

趙承旨寶雲寺碑

異代名藍雜市塵寶雲遺額到今傳讀書堆上草成帶洗  
硯池邊苔作錢千載空留華表語一碑猶識至元鏞從容  
野衲憑相問觸忤愁心爲破禪

寄妹

燕山悵望雁南飛客舍頻年憶令暉別久祇驚時節換路  
長定訝信音稀大羅有夢身空到上藥無成計屢非何日  
故園同翦燭七絲湘水夜深揮

吳文炳字柳門涇縣人嘉慶辛酉舉人有香雪山莊詩  
集

秋柳

長短亭前萬柳斜，不堪攀折寄天涯。  
悲涼關塞蕭蕭馬，冷落江村點點鴉。  
荒草有情偏惹恨，夕陽何處更飛花。  
幾聲斷續哀蟬曲，寒倚柴門處士家。

會瑤字玉墀，新化人。嘉慶辛酉舉人，有栗塢殘臺。  
雨中龍溪道上

花時細雨出龍溪，柳絮春風送馬蹏。  
燕子泥融官道滑，鴨頭水漲野橋低。  
破愁當得澆腸酒，望遠曾無刮膜龜。  
暗數舊時經歷處，年年芳草一萋萋。

周爾墉字容齋，嘉善人。嘉慶辛酉副貢，歷官戶部郎中。  
有學福樓詩鈔

詩話容齋先生工書，承其家法。官京師，與昆明趙文恪齊名。少年待宦河雒，老居郎署，以忤時宰引疾歸。

長君勉民方伯士鏗時官河南汝甯知府因復就養入中州主講彝山書院先後客汴幾四十年故與余家世篤交好歿後勉民哀其遺蹟鐫石曰學福樓墨刻詩爲其甥曹治豐所輯多少年之作

### 游潮音寺

野寺依江渚長江接寺垣晚潮平繞郭落日正當門水驛  
漁鏡細僧寮古佛尊遙山盤一塔鈴語月黃昏

### 發孟津渡河

西北羣山東黃河勢盡東平沙六月雪激浪一天風客鼓  
中流棹霞蒸隔岸虹長隄官柳碧落日認磨銅

### 謝椒石觀察以移居述懷詩見示卽如原韻奉酬

詩瓢茗椀一鑪香失馬眞能泯激昂入座酒槍招客醉插  
瓶花箭任蜂狂歸田未輯歐公錄種樹閒求郭氏方休道  
鴛湖煙水闊天隨可許學農皇

秦鏡歌

金人十二銷戈戟合歡鑄出團欒璧團欒如月色如霜阿  
房曾照銀河夕銀河不夜羣仙宴蓬萊咫尺通明殿秦山  
勒石雖萬世鑄池別有神仙眷可憐徐市樓船去不還不  
如鏡背雙飛燕飛燕年年海上來神仙海上應相見驪山  
山下鋼三泉虎視六合人長眠雖攜百鍊照膽去難從身  
後照生前銀鷺金雀皆幽穴含光同作河梁別土花碧點  
鸚鵡斑鏽暈紅生杜鵑血何時地市到人間牧兒一炬功  
何烈滴水蟾蜍碧唾壺茂陵甲帳迺同轍秦地山河已劫  
灰雲煙過眼徒徘徊黃金鳧雁皆磨泐一片寒冰凍不開  
祖龍不能自鏡鏡萬世乃令此鏡今日猶塵埃嗚呼帝王  
之鏡在三古碎銅零瓦終灰土後人得此轉快心發匱自

勝珍璜琥伴以晉磚礪作研位置斐几輝窗戶

余藏晉永嘉磚研一

雪霽寒甚

良農望歲一年中天遭瓊瑤報屢豐負郭愧無三畝託巡檐喜與萬家同光陰易度閒窗馬鄉信猶傳在野鴻粳稻東南財賦地可憐橫潦尙酸風

雪霽對南嵩有懷夏三蘭修

羣山挾霽色闐然落檐際晨起對煙鬟粉漬芙蓉髻此時啟南窗忽憶同岑契我有素心交冰雪得天慧偉抱通三古游心在六藝心源浩浩來意則詞尤麗迢遞隔雲端雲濃但高睨我無長房術千里能縮地如帶有長河誰能舟楫濟與子握手來義娥遞四歲朋簪會合問倏如舟不繫

長安子雲居明年又相繼題襟原有時非惜景光逝所惜  
清景難不得同清齋吸茗對南山無言而遙睇

程懷璟字玉農號小宋雲夢人嘉慶辛酉拔貢歷官江

蘇按察使有不波山房詩

山行有懷雨農兼寄春卿

高山生白雲山爲雲氣擁天風一吹盪雲挾山欲動無意  
入雲中溼煙如海湧古樹鬱蒼翠危石露龍嵒時聞鳴鶴  
聲疑躡仙人踵仰窺天近遠一氣接瀕洞出雲復入雲馬  
首雙耳聳我欲袖雲歸妙手莫能捧羨子山中人著書得  
幾種盡日看雲飛心清絕俗冗

游俠曲

醉解千金貂飛控五花馬大雪滿天山射虎天山下

張允垂字升吉號柳泉婁縣人嘉慶辛酉拔貢歷官杭  
州知府有傳硯堂詩存

古硯歌

硯爲姜白石物

臨安王氣黯然歇金盤玉盃嗟沈沒獨有洞天一片珍  
別雲根琢詩骨彭蠡之水康郎山奇人往往生其間奉常  
律呂羣議闢苔霏棲遲一第艱吹簫度曲亦何有垂虹亭  
畔空回首誰識當時制作材賞心惟數武夷叟西馬騰邊  
墓草荒我曾釀酒弔斜陽小朝廷祇苟活耳如公那許來  
回翔摩挲斯硯增歎息楊范樓辛虛左席假若攜持上玉  
堂也應視草輝鸞掖寂寞人間六百春宣和博古早成塵  
武康山石永不減墨花點點同堅珉

梁芷林方伯仿禹鴻臚卜居圖

江南煙雨春波綠，琅玕萬个鳴寒玉。水邊籬落三兩家，幽  
居往往成空谷。那識此身落畫圖，喜公宦跡來三吳。斯文  
雄奇扶大雅，餘韻瀟灑摹鴻臚。韓蘇當年富述作，攄懷各  
有歸田約。縱教勳業炳丹青，肯以簪裾憑束縛。溯昔曾陪  
豹尾班，征鞍共跨恣盤桓。天風吹公上絕頂，憶我詩句渺  
雲端。昔以扈從登盤山，有作公尙憶之。披圖恍愜漁樵趣，卽今容我溪山  
住。凌煙畫就卸朝衫，武彝九曲深林處。

陳鴻壽字子恭號曼生錢塘人嘉慶辛酉拔貢歷官南

河海防同知有種榆仙館詩集

詩話曼生與從弟雲伯同受知於阮文達公招致幕  
中文達稱其詩才亞於雲伯而峭拔秀逸過之生平  
以書名詩不多作反爲書掩晚官南河時與萬廉山  
郭頴如諸人提倡風雅遠近名士來游者幾滿賓館  
集中所存仍以  
早年之作爲多



葛嶺懷古

明月香風十二樓，平章湖上恣勾留。半閒未許神仙占，後樂何知將士憂。蟋蟀聲驕蘋草捷，鬼車嘍斷木棉秋。福華編就看如夢，流水桃花爲爾愁。

阮雲臺閣學師重摹石鼓歌用東坡韻

我後坡公幾辛丑，集古不見六一叟。石鼓又經七百年，黠黠欲化長虹走。湧盟滌滌旣聲牙，趨趨稽蜀詎適口。何如吉癸字無多，疇茲疑案壇山後。前年天藻重編排，抉剔文義還什九。其胡孔庶羅篋篋，亦有鱣鯉橐楊柳。收縮元氣歸豪芒，轉動天樞燦星斗。從臣才藝簡選精，珍宜拱壁懸臂肘。連江僞刻何足論，若粟去秕苗去莠。瑯嬛仙人一代宗，龍文健筆蘇韓友。金石借證經史譌，斤權忝酸悟穀教。

天下流傳祕本希三百餘字龔蚪蚪緬思蘇李張寶徐歐  
褚虞杜皆前考品評墨妙羣推崇獵碣潛驅犬羊嗾諸侯  
劍佩騁雄俊錫以彤弓及鬯卣大書深刻理則那昭示日  
月振矇眊陳倉鳳翔蹤蹟奇不將荒幻等响嘖日炙雨淋  
致漫漶要其氣體彌深厚重摹安置郡學中參訂同觀誌  
某某十三經版各輝映鳳翥龍翔屬誰有由來作人邦家  
基南山頌栲北山柎竟擬兼金耀虺虎肯比朱絲約芻狗  
愛古端資汲綆深如公真與頡籀偶惜早沈沙更歆金遂  
令讀者徒搔首歲年甲乙從缺略毋怪亭林事攻掎我聞  
神異靖康時濟河風大重莫取至今壁合珠亦聯圍橋左  
右離塵垢文武成康流澤長中興遺跡蛟龍守貞珉况復  
樹東南文物聲名長不朽吳山峩峩浙水深猗歟休哉萬

年壽

塞上曲

白骨青燐瀚海頭琵琶一曲起邊愁眼前滴盡征人淚併  
作黃河地底流

弓彎霹靂射天狐驚落雙雕萬眾呼好語將軍休見妒凌  
煙曾見幾人圖

宋自公堂後雙古柏

玉池雙桐近百尺天台古藤垂萬年昔從泰岱問封禪攫  
拳龍虎盤風煙空堂無人老狐入夜深屋脊鴝鵒泣白雁  
飛歸五百年兩行蒼翠霑衣溼一株蘚蝕稍空腔一株勁  
直不肯降離纜瓊碎散瓔珞硯池亂落柏子香題名遠紀  
熙甯代東坡舊友分明在藉田手詔保甯軍元暢樓高碧

山對

西漢黃龍甄八甄吟館分賦

咸陽漢龍興工築事稠杳冠山朱堂崇瓠甌旅人納此磚  
紀黃龍銘文椎響搗苔蝕文多殘測蠡義難合病已蟲讖  
成祥符報雜還黃龍見廣漢火及宣室閣烏曉未央宮改  
元歲一帑當時執拊桴無爲苦批拉大黃兆威斗銅仙泣  
蕭颯殘甃埋荆榛月夜狐狸踏幸非鑿臼科庶免累層塔  
四角暨中央完好少齧踰何年出鄂杜何時渡涉潔中有  
地里書鐫吐復豐欲吾師誌金石翦鐙卜簪盂虞敦識立  
位甌鐘辨鞞鞞五鳳時代同甄珠雙韎鞞入甄耀日華賓  
從互酬答研墨銅雀瓦寫詩趁官蠟

洪頤煊字旌賢號筠軒臨海人嘉慶辛酉拔貢官廣東

新興知縣有筠軒詩鈔

詩話筠軒苦志力學與兄坤煊弟震煊稱三洪筠軒著書幾百卷刻行未竟遭兵火散失士論惜之

定州晚發

殘星猶在樹驅馬向西行野戍霜華重荒郊露氣清車鈴連遠道寺塔迴層城我已栖栖慣年來不記程

李富孫字既沔號薌泚嘉興人嘉慶辛酉拔貢有校經

廩集

詩話康熙乾隆兩舉大科人文極盛己未則有阮芸臺詞科遮錄秦小規詞科錄丙辰則有杭董浦詞科掌錄詞科餘話全謝山公車徵士錄沈椒園詞科同年錄至薌泚族祖敬堂大令集薈萃諸書勒爲一編草創未竟薌泚爲之整齊排比成鵝徵錄六卷後錄十二卷一時曠典文獻俱存薌泚與兄超孫奉暉從弟遇孫金瀾有聲於時稱後三李奉暉治詩金瀾治尙書薌泚治易並兼通金石校勘之學著作斐然

鷹窠頂觀日出歌

東南澤國橫神山迤邐綿互無涯垠鷹窠之頂勢萃棊但  
見眾峰羅列如兒孫秋來木葉脫嶄然露孱顏獅頭巖接  
九曲逕天風蓬勃難躋攀披衣振策凌絕磴目極巨浸連  
彎環惟茲十月逢合朔黃白同度氏角間歸墟掣洩晨光  
動熹微倒影扶桑嗽哉生一魄但隱見空中摩盪蛟龍淵  
須臾紅霞衝萬丈精光迸出白玉盤若然劈開烏與兔波  
濤洶涌跳雙丸銀瀾沈璧彩雪浪翻金盆玉樹琪花互掩  
映蓬壺瑤闕粉烟煴參差島嶼散奇綺目之所注移神魂  
何須訪泰岳躡崇巒登日觀窺天門卽此海嶠臨湯谷已  
覺波雲燦爛上下相吐吞嗟彼祖龍思東渡射蛟鞭石心  
煩寃浮天浩淼不可至沙中一柱徒空存若木枝拂神仙  
窟憑高遐矚稱奇觀天雞三號旦復旦飽看羲和策馭山

之巔

岳倦翁家祭銅爵

金陀坊冷遡悲風，舊物流傳紀倦翁。  
千載英雄如此少，一家異數與誰同。  
湖山難雪殲讐恨，俎豆堪酬報國忠。  
太息粹編留軼事，摩挲銘字思無窮。

冬日曉望

郡閣凌虛福地通，四圍煙景曉濛濛。  
寒山遠繞孤城外，廢塔空撐古寺中。  
水淨鷗沙隨上下，雲開雁路各西東。  
天涯迢遞增惆悵，無限霜林映冷楓。

李士楨字廣成，號東田，番禺人。嘉慶辛酉拔貢，有青梅

巢詩鈔

詩話東田九歲卽能詩，爲大興朱文正所賞。一日以鮮荔支餉東田，屬作七古，用昌黎游青龍寺韻。東田

詩至文正亦依韻作一詩示之有云荔支品冠舉似  
生色香雙絕神漿滿雲茶燂姬不掉頭一樹珊瑚傾  
寶徽又云分甘自是廟筵珍論松且與雲山伴三田  
膏露已清肥九轉華池頻激澣天腴國豔我非諛掣  
電傾城君勿懶時東田方  
應童試文正之愛才如此

綠蘭塘

水碧沙明處青山露一層亂楓圍馬棧孤艇曬魚脣問渡  
去何急買田歸未能遙知林際寺閒殺白雲僧

次河源水口步月河上村作

擊汰踰南岸東流匯清泚人煙動欲喧客飯行漸止山沈  
古縣綠日落野沙紫榕枝低護塔棟葉遠成里危檣蚌席  
家細草漁鐙淡河聲吼遙夜月色明崩岷維艣擇塘汎結  
襪尋墟市散步踏蟾光一一銀灘徙松乾星射屋石轉雲  
迷水天睡雪半鎔地闊風尤起微聞宿鳥呼冰心滿芳沚



蚤發黃鼎

古戍石岩崑，羈心積一宵。近家情轉怯，去國夢難消。馬色見殘月，雞聲聞怒潮。神叢有風力，憑爾送歸橈。

七月

登高四望山煙碧，獨立一年池柳黃。古人爲客竟白首，今我寄書非故鄉。曹公鼓吏能作賦，孫權釣臺堪舉觴。生平壯心苦未已，記室寂寞西風涼。

黃鸝詞

楚郊三月多黃鸝，飛上綠楊高樹枝。身輕舌巧羽毛麗，一點深黃露煙際。趨時應節最善唳，畫簾東畔金塘西。河蒲茸茸吹粉雨，日斜來看歌童舞。羈雌幾度感黃袍，紫燕前頭避伯勞。鳳城簫管聽離別，杜宇聲傳蜀岡血。樊姬墓草

紀南門客望天涯正斷魂  
梁家貴主園林畔  
荆棘風搖鷓鴣歎  
可憐曇首淚雙懸  
美人寂寞花凌亂

周誌勳字亞侯號雲臺甯鄉人  
嘉慶辛酉拔貢有還湘集粵游草

全州道中

千里輕游興孤蓬窄未嫌  
入湘江水淨近粵石山尖  
灘陡風偏逆春寒雨覺纖  
旅愁何處寄蕢酒夜鐙帘

疊綵山風洞

山麓金仙幾劫塵  
陰崖別自貯長春  
雲根曲曲詩題徧  
徧風信番番日換新  
泉漏花欄疑雨過  
峯圍塔穎與天鄰  
凭樓無限登臨興  
極目湘灘悽客神

陳舜咨字杏牧又字雲樹號春隄  
永嘉人嘉慶辛酉拔

貢有茶話軒詩集

安平縣

暝色滿平壩夕陽猶未沈雲邊雙鳥度城上一峯陰荒市  
靜如野人煙寒出林敝裘須檢點冷意坐相侵

沈承瑞字香餘漢軍旗人優貢考授訓導有香餘詩鈔

詩話白山黑水間武功蔚起煊赫一代而文化開闢較晚香餘少游京師從學於蔣心餘太史始以詩鳴累舉不第薄游江湖無所遇歸而教授鄉里多所成就邊陲風雅於此導源其詩清遠高亮有慷慨悲歌之氣

江上吟

初日升東山照耀江水赤微風蕩桃花流水杳無迹江上  
誰家子扁舟自弄笛散髮任夷游忘情淡今昔曲罷人不  
知蒼茫煙樹碧

長白山

帝業荒東北茲山實效靈龍形蟠大野雲氣撼滄溟水瀉  
雙流白天開萬古青何年駐鑾蹕珥筆侍仙廷

松花江

東去大江水高源何處來混同天一色長白雪千堆遠塞  
茫茫劃江北流與  
蒙古分界孤城濼濼開北山一登眺惆悵濟川材

姜女祠

姜女荒祠何處存紅邊牆外老軍屯白楊鶴雀嘯朝日赤  
水鼃鼃吼夜魂血淚拋殘城北角蛾眉望斷海東門寒衣  
萬里心常在傳信傳疑莫細論

葉赫城

還來問舊城稼穡不知兵水帶孤村迴風兼野馬鳴高山

餘破壘半塔矗荒營遲日鄉三老呼牛隴上行

鐵嶺

當門橫鐵嶺古郡號銀州市小人煙雜天荒草木秋廢城  
丁字泊殘壁李家樓祇有柴河水年年繞縣流

小茄園雜興

良禽在高樹對語時關關攜朋坐其下片雲南山還來去  
人無心動靜物自閒浩然春已暮窗前綠不刪  
少年采三秀同心遺所思臭味欲常好聚散無定時坐我  
綠窗下風雨愁鳴雞菜根亦有香彈鋏者何爲  
疎疎天上星淡淡池中水潛魚靜夜瀾明珠在波底照見  
素人心上下億萬里織雲隔不住大風吹不起

彌望

白日江流接遠天紫臺秋色下寒煙魚龍戲水雲容黯雕  
鷗盤空風力騫不信漁樵終溷迹可能雞犬共登仙此身  
未老心猶壯彌望千秋一灑然

晚晴移詩匯卷一百十六終

晚晴彩詩匯卷一百十七目錄

卓秉恬一首

沈維鏞四首

顧蕙一首

朱珩八首

謝蘭生十一首

陶澍十首

梁章鉅九首

李文耕一首

王百齡一首

董正揚三首

呂兆麒九首

孫世封二首

汪全泰六首

查揆二首

謝照四首

徐熊飛四首

劉士珍一首

王楨一首

周儀暉十首

路斯雲一首

林家桂一首

施紹武一首



潘時彤

一首

張序

二首

黃培芳

六首

張鑑

四首

穆彰阿

二首

何凌漢

一首

姚元之

十首

童槐

四首

蔣詩

二首

石葆元

三首

陳鴻墀

五首

晚晴移詩匯卷一百十七

徐世昌

卓秉恬字靜遠號海帆華陽人嘉慶壬戌進士改庶吉

士授檢討官至武英殿大學士諡文端

詩話文端孝友篤誠初自詞館入諫院封事無虛月  
巡東漕履行泰安兗州諸縣斬得泉四十有三引以  
濟運典試陝西還嘗議川楚陝老林曩爲教匪窟穴  
今則僑民雜處林深箐密往往爲盜賊當專設一監  
司治之事雖未行而三省皆選將吏守邊實自此議  
發之兼領京兆十有八年有惠於畿甸迴翔臺省遂  
至鼎司朝列  
咸欽其風度

游仁壽古佛寺

一徑入危石亂松青到門隔花僧影淡穿竹鳥聲喧殿古  
藏雲氣簾高入漲痕偶來尋斷碣零落字無存

沈維鐫字子彝一字鼎甫號小湖嘉興人嘉慶壬戌進

士官至工部侍郎有補讀書齋遺藁

陳蘭甫曰鼎甫侍郎家近陸清獻之鄉承其餘風純乎朱子之學又少時受業於段茂堂之門精通經學不爲心性空言發而爲文爲詩醇實真切出於自然此所以爲有本之言歟方夢園曰詩歌溫厚和平允合風人之旨

謁陸清獻公祠

昭代論儒術當湖孰並衡  
廟庭崇秩祀峯泖蔚精英  
大道聞原早斯文任獨宏  
薪傳尋孔孟統系紹周程  
素志惟希聖中年獲代耕  
循良敷海表撫導徧膠城  
未竟鳴絃化偏教襍被行  
歸裝數卷講舍屋三楹  
再迫牽絲起多應薦牘呈  
旁咨廉惠愛破格擢賢明  
自拜言官責頻聞抗疏爭  
臣心孚帝簡朝議順輿評  
考績時終忤歸田願竟成  
從違皆澹慮義利最研精  
督學虛明詔遺編迪後生  
千秋承述

作百氏闕從橫詎見門牆峻居然俎豆榮贈階追嚮德賜  
諡特尊名世共高山仰人推止水清叢祠猶故里茂典協  
羣情絕業真能荷先型莫與京談經誰繼起瞻像獨攄誠  
砌草蝸交篆庭柯鳥和鳴然蔡光近照景慕倍心傾

邃樓前輩靜坐澄心圖

先生今之司馬公勿欺爲本殫公忠棠陰三載庇閩浙公  
餘退省彌謙沖焚香久已盟夙夜良工善繪傳深衷平生  
讀書涵泳富半日靜坐端倪充方其致虛守之篤淵然養  
出蒙泉蒙秋水藏珠眾妙具大鑪點雪纖塵融靜極而動  
感卽應八窗四達開瓊瓏堅持一心馭萬變如把穩舵帆  
江風乃知靜坐非守寂洗心藏密精神通主靜主敬本不  
二惟本謹獨箴當躬先生聞道有神契心經政經握其中

醇儒之心名臣業海波不揚田禾豐卽今蒼洱靜斥候琴  
鶴移度於幢紅作霖行且徧方嶽調鼎會見亮天功繫余  
捧襪寶良誨何異頑石加磨礪元城請事不妄語從今認  
取主人翁

陳忠愍公化城遺像

將軍龍虎姿見知李忠毅駐師吳淞江東南半壁繫逆鋒  
何彼猖勇氣彌奮厲古有鑿凶門況已置死地一朝將星  
沈海水烽煙沸清人胡逍遙苻離遂驚潰坐看金繪盟灑  
徧英雄淚我今瞻遺像餘怒猶裂眦輝赫五雷神威風震  
百世由來生天人不媿忠孝字關張豈無命段顏達其志  
咄哉偷生徒武剛車自衛

送陳頌南罷官歸閩

太邱一疏重朝端天語親衷眞諫官戀闕未宜投劾早籌  
時彌覺直言難歸裝千卷添行色勝地重陽結古歡我亦  
鴛湖垂釣客南天極望暮雲寒

顧純字希翰一字吳羹號南雅長洲人嘉慶壬戌進士

改庶吉士授編修歷官通政司副使有南雅詩鈔

吳蘭雪曰南雅故吳中名士爲秀才時卽有風骨以持清議幾爲勢家所冲未幾成進士詩不多作而格

高音雅如王謝子弟自

有大家風韻兼工書畫

詩話南雅官講學時疏請留松文清內用忤旨降官

九歲不調後宣宗閱實錄載其在史館撰和坤傳

不失實一事嘉其直筆特加擢用生平尚氣節督學

瀕中最高爲士望所歸好畫梅清超拔俗詩集罕觀僅

見一首尙是未登第時作抱

秋樹

孤幹貞心迥出塵不隨凡本共沈淪還期鸞鶴重留跡無

奈風霜老此身大厦於今望梁棟空山到處有荆榛漢家

大將思馮異不爲江潭淚滿巾

時阿文成公初薨

朱珣字玉存號蘭坡涇縣人嘉慶壬戌進士改庶吉士

授編修歷官右贊善有小萬卷樓詩集

詩話蘭坡學博才瞻早官禁近晚主吳中壇坊閱歷名揚數十年宜其蘊蓄宏深詩集正續逾四十卷模山範水論古述今多主翔實聯作間有高格則更進一境矣

石將軍教場歌

將軍昔日巡團營登壇誓眾三軍驚戈鋌耀雪甲光動蕭蕭萬馬屯無聲聞奴致釁招邊寇土木蒙塵竟北狩九將分兵列九門機宜悉本尙書授尙書是古鷹揚才橫空殺氣轟如雷呼君拔戟速先出斫敵不異芟蒿萊柴荆關前靜烽火免將馬革殘屍裹上皇法駕居庸回鐵券藩封恩

獨荷麒麟閣上開新圖公等合次于尙書郊邱夜宿受嘉  
命此意良足霑肌膚無端忽啟南宮閉夜輦遊行代輿衛  
謀事倉皇儻不成不知置主當何地中官武士貪大功首  
論復辟旌其忠焦頭爛額爭上坐朝衣西市生悲風嗚呼  
蕭何雅意曾推轂燕領居然飛食肉廷議早遣金繒和徽  
欽恐遂終沙陀君王一例修私憾鐘室聲纓服長劍從茲  
跋扈誰與倫錦袍玉帶徒紛紜朱三千龍八百半屬平原  
門下客至尊朝上翔鳳樓眼見崢嶸五侯宅烏臺霜簡彈  
未休失勢今忽成纍囚偏裨漠視老兵笑圍扉草長中宵  
愁當時亦有楊宗道褒鄂齊名奮牙爪劔劔臣節知自持  
帶礪勳猷丞相保將軍將軍胡不去南山邊西湖墻騎驢  
射虎消餘年盛衰倚伏古所歎墜臍雖悔空爾憐一介之



夫何足怪守正文臣復同敗歸途太息時擲鞭將星猶喜  
臨吳會沈吟往事淪滄桑俯拾斷鏃尋遺槍巖廳浙瀝氛  
埃黃居民指點斜陽外謾說將軍舊教場

過石龍溝

側徑緣孤繩山容忽破碎片石勢飛動層雲起其內巖絕  
兩壁立崔嵬土恆戴鬼神守陰崖終古不敢敗陂陀凹復  
凸轉入井陘隘馬力亦告乏懦若蛇倒退塵世多險途鼓  
勇老行邁但作平等想萬事總無礙出谷天朗開劃然分  
兩戒四顧迷人蹤瑤琴瀉寒瀨

獨對

獨對疎窗暝色侵幽居況味歲寒心井泉近戶邀停騎街  
樹過檐送噪禽把鏡漸看雙鬢短拋書空坐一鐙深不忘

藪澤雕籠裏莊烏由來總越吟

山中雜詩

螺鬟何窈窕曉霧遮其容如見李夫人深坐綃帳中又若  
騰駿馬蹴踏迷風驟眞面自可尋毋畏羣陰攻天光夙變  
幻頃刻朝暎紅目翳亦豁然了了金芙蓉

西岡宛而曲東岡平且高白雲常往還相顧不敢驕世人  
卑視之終莫傷岩堯況有竹樹森清風被林皋昔年頗荒  
蕨頓誅三重茅欲醅酒一尊以賀茲邱遭

兒寬昔帶經近與田舍依吁嗟市鬪子弄墨爭幾希我本  
識字農喜課桑葉肥閒閒歷阡陌界畫如僧衣吟哦適其  
天白烏時自飛夕陽剛下嶺牛背馱人歸

次韻陶宮保偕同人登東海雲臺山之作

鳳聞海上郁洲勝呼吸眞能通帝臺三島有人同望去九  
峯何日果飛來嵯峨疊磴雲中屬瀕洞迴潮地底雷一自  
峴山臨叔子橫揮椽筆亦雄哉

歷歷星辰恍可捫羣巒拱侍作兒孫循圖古每僑青冀攬  
景天難辨旦昏駢頂之間誰立極亶洲以外此爲門崎嶇  
莫畏邛崃坂報國心同叱馭尊

謝蘭生字佩士又字澧浦南海人嘉慶壬戌進士改庶

吉士有常惺惺齋集

詩話佩士善詩文書畫題畫詩甚多  
今僅存一卷詩有畫理故紀游最勝

度庾嶺

雄藩臨楚甸絕塞本秦關地古人留姓徯通國不蠻顏肩  
于役苦掛角老僧閒百匝幽篁裏茅亭憩一閒

半嶺分寒燠千夫異語言人將山互市天假石爲門細路  
雲頭轉危梯日脚翻薄寒風出竇聲挾萬松喧

四柳樹納涼

人心屈平且清氣納靈府一夜澄其源百毒不敢侮長日  
困炎蒸午夜息熏煮專心盼黎明終宵不徂暑初陽露血  
殷高岸束牆堵大魚入敝笥那得不跋扈稍喜三汊河未  
離四柳樹展席隨陰涼瞬息徒三五其上枝葉踈穿林漏  
飛炬其下螻蟻攢剝膚先噬股欲靜反擾攘自辰逮中午  
蘊隆歎蟲蟲無計與之拒玉池儻生肥甘露自嚙吐養其  
元冥根庶俾熱腸瘡

夜過黃茅峽宿峽口不寐

千篙挂灘行十挂不失一人頑詎如石悍鬪乃竟日船迴

沙嘴平水轉峽角出黑暗支祁潭深阻老蛟窟餘力且支  
撐觸險肆奔突熊熊望赤蚪謂野燒遠映路未失誰敢然温  
犀照耀到水骨荒洲暫停橈風大水涵沕蹲夷擁孤裘寒  
滅心更慄嗟哉慘舟人爾勞我弗逸爾勞暫安眠我勞何  
時畢

自花埭至羚羊峽

又被饑驅出藏名悔不深生涯舉子業杯酒故人心花塢  
關香徑客船依野陰晚風留宴賞沙渚有歸禽  
鳴艚駕巨浪早歲氣如虹吳楚燕齊境風霜雨雪中潮流  
幾迴轉嵐翠半空濛息影無長策飄飄又短篷  
浩浩西江水來從萬里遙北爭彭蠡大東赴祝融朝蛟鱷  
青春蟄龜鼈白日驕沿隄多汊港薄暮敢停橈

小渚不盈掬猶留昭諫名入山愁夜雨歸策喜天晴金粟  
香薰袖瑤珉翠滿罌嗟吾二三子曾闕化人城

瘦幹南田樹高崖大滌山林深村可覓橋細檻容攀破刹  
碧雲外危磯白浪間喃喃僧乞食汝亦不能閒

爲愛青山好船行不厭遲東風催發早西洞失探奇曲渚  
雲腴聚前人月斧施異時停峽尾破壁攫蛟螭

果然靈峽石大似二禺峯上有雲間寺旁無竹外松壁門  
橫截馬山脊互蟠龍未蹴桃花漲吾游樂沈溶

陶澍字子霖號雲汀湖南安化人嘉慶壬戌進士改庶  
吉士授編脩官至兩江總督加太子少保銜贈太子

太保諡文毅有印心石屋集

詩話文毅督兩江更革漕儲諸政其奏  
議爲世所稱餘事作詩亦莊雅可誦

王漢衢明府自題撫琴圖云人心盡如此天下自和

平蓋唐人撫琴句也爲賦一詩

治國如張琴此中有精理安絃操縵閒不偏而不倚中聲  
本在心其妙應以指先生操元音志山復志水一彈再彈  
時半松半篁裏能令勞者息能令疲者起人言先生琴古  
調非今比先生曰不然人心盡如此但令心和平道也通  
乎技雲山高峩峩煙樹清瀾瀾何當鼓天風一洗箏琶耳

和高麗許澹宏櫟韻

夙聞東海土磊落多英姿尙友溯殷遺矧茲生同時往晤  
洪義錫與權永佐其人皆翹奇款款語情愫敦樸無澆漓  
今子矢來游復此能相隨發聲叩金石誼古無近思所願  
義無渝相見誰云遲

舟中望棲霞山

棲霞如麗人秀質何葱蒨掩映大江隈可望不可見飄飄  
雲氣深暖暖樹陰轉舟行煙望遙時復露一面上有最高  
峯轟起有無援慨想登峯人俯視浮雲變何當御天風從  
之冷然善

題墨蘭贈尹月三 先菴

虎頭畫法古無比今之畫者恍惚似

蘭係顧南雅作

煙墨數點出

新意勃勃清香生絹底根荇故與眾卉殊不俗之氣如吾  
子持歸張向畫屏前秋來好夢湘江水

爲董眉伯 正揚 題秋山聽瀑圖

石徑葉老層巖封一雨洗出青芙蓉秋聲浩浩不到地天  
矯惟見雙白龍急溜忽瀉雷裂石餘點亂落風入松天門



萬丈立雪色絕壁但有微雲通激流得此百自在俗響不入幽栖胸君家羅洋青田東海門日激扶桑紅天台雁蕩接咫尺往往風雨迷蛟宮卧游幾歲在林下圖成紙上猶淙淙月來風色太作惡禾田灰起燒晴空去冬無雪至今五月尚無雨安得懸崖之匹練化爲霖雨蘇三農大瓢儻卽分點滴相期共踏赤鯁公

李芸甫水部畫松爲子佩參軍賦

李侯畫松如老螭著紙俱作鱗之而破空勢起不得住風雨一霎迷天池阿兄矯矯歲寒操秉質況是山林姿特令寫此好根節要使俗子驚鬚髭顧我園荒舊三徑故物入眼宜爲辭披圖一笑鏡影黝霜華搖動青銅皮古香滿地寒不掃黛色參天疏自支想見蕭齋挂壁夜定有雲氣歸

高枝

題法時帆前輩式善

五家詩龕圖

五家謂盛山甫舍人蔣醉峯學正王

達齋中丞羅兩峯  
王春波兩山人

梧門居士金仙人說法今現詩龕身三車盡掃辟支果拈  
花一笑諸天聞眾人耳詫勝義諦謂此夙識無依因豈知  
甘苦悉自得十年面壁惟精勤維摩丈室柳灣側脩然一  
榻辭俗氛當其瓣香坐嘯詠梅檀薔蔔交氤氳睽睽雙目  
但內視須彌芥子俱微塵鞋量主客滌宗派教化廣大開  
覺門遂令好事入圖繪山水布置爭鮮新小橋十里樹一  
色綠雲圍繞詩人村五家寫景各入妙不同其貌同其神  
詩耶畫耶人斯在鏡花水月皆天真此中三昧未易識縱  
觀吾亦聊云云

鳳縣道中

一髮青天在巉崖，束小溪木敲危石。出水漲斷橋，低漸遠黃牛堡。初來白馬氏，鳳州無手柳村酒。醉如泥，宋人云鳳州三出手柳

五丁峽

到此真奇絕，山奇石更奇。徑懸猿狄恐，險鑿鬼神疑。水作千盤去，天將一綫窺。金牛如不入，萬古只荒陲。

寄懷唐陶山先生

十年鄉國耳，才人秋水江南入。夢頻作宦，一時推古直。論詩隔世有前身，近聞抄刻唐六如遺集並修其墓地當湖海難為客。胸貯周秦不是貧，遙羨鯉庭春最早。梅花添放幾枝新，令嗣鏡海庶常

時自翰林假省

梁章鉅字閔中一字蔭林福建長樂人嘉慶壬戌進士

官至江蘇巡撫兼署兩江總督有藤花吟館詩鈔

詩話蔭林早歲通籍歙歷中外其詩才學博用筆生健喜選險韻而能控制自如翁覃溪言門下詩弟子百十輩蔭林最後至而手腕境界迥異時流不名一家而奄有諸家之美云

李陽冰般若臺篆字歌

衡陽响碑不可捫岐陽石鼓科臼翻侯岡控飛籀史化上  
蔡真刻焚餘瘢吾閩荒遠蹟愈渺按圖十一猶疑慳神工  
鬼斧鑿不到搜奇往往嘲巖巒山靈奮激海若怒風雨倒  
捲蛟螭蟠夜深鎖紐向絕壁伶俜百怪走且顛誰其尸者  
唐李監長劔快戟森烏賁三才萬彙睨儵忽揮斥流宕窮  
倪端寶鼎躍水有神助古溜過石無新痕坐令光價耀寰  
宇仰揖漢碣睇秦甌世間精詣豈逸致當年篆室窺眞源

以豐同豐中郎戒將束作宋丞相惜苦心訂訛告採訪想  
見雪泣忘眠飡千秋萬歲自有故造化亦樂當鐫刊我來  
繭足奈屢失乍見畫肚愁難援團尺深寸語易曉匪誇趨  
趨兼親輒香臺銷歇般若寂壯觀孰識華巖巔紛紛耳食  
稱四絕那得精鑿祛煩冤拈裳聯襪矜不語牧童愕貽山  
鳥喧呼觴歷歷記跟肘走筆欲補歐陽篇

夜宿景山學齋

天外鴉聲渡苑牆千林晚景送斜陽雲光乍與山顏紫霜  
意猶容瓦色黃窺戶月華連北極隔孺蟲響盡東箱滄江  
青瑣俱無著漫聽西風玉漏長

安聖寺

索居習寡歡幽探答羣疎輕輿轉林筵新術陟麥隴迴巖

忽扼塞複澗僅容甬側疑地脈盡間出天宇聳朱曦隱重  
樾紫霧露修拱溪山自一家猿鳥若相拱礪戶叩幽寂庭  
幡愜飛動侵衣蘚色潤闕履藤根鞏竇泉有深清簷竹無  
雜冗香廚聞齋鐘禪槓破長葶雲還鶴亦倦泥滑鴻已磔  
歸蹊逐明蟾吟緒抽繭蛹

虎嘯巖

首路平肩輿伊軋如過艇延緣惑新蹊恰有山靈請嵐光

露西岫雨意接東嶺始知集雲關尙在凌霄頂

巖在凌霄峯南路口

有集雲關三字石刻騰空橫卓闊俯覆作幽屏迴身迷去蹤良背詫

來境誰煩巨靈擘作此廣廈迴法雨懸有聲賓曦悄無影

鎮心覓泉竇惜力支茶鼎逢僧不言禪說虎久無恟焉得

山中人招我蹈箕頰斯游固非偶此意竟誰領頗嫌執圖

經瑣瑣劃八景

九仙山丹井歌

月煙黃黃日煙紫井幹苔繡轆轤毀湖滯瀾翻失九鯉九  
仙老衰叫不起當年呼龍飲龍津金鏡刮海海似銀虛皇  
押敕授櫨簡井畔開明鎖玉檻月爐忽報丹火青白男赤  
女聲嬌備此時此井湛復滿九仙掉頭不肯管金天掣日  
玻黎搖斜山風雨盤靈簫秦皇漢武汲不得淮南雞犬久  
垂隔火井蕭寥丹井塞銅盤仙人淚沾臆仙乎仙乎亦何  
益

鼓山絕頂望海歌

千山萬山列眼底倚天空碧不知止眼中滄海小如杯海  
上浮雲白如紙流蚪一髮來青青鯤身隱約浮東甯天吳

陽侯億叵測，蜃樓倒矗蛟涎腥。昨夜黑風吹海立，陰火難  
消水仙劫。天末遙遙，蠻客愁浪頭隱隱，鮫人泣。我欲乘風  
遠扶搏，樓船突兀誰能攀。徒有襟期偃溟渤，惜無長策回  
狂瀾。忽憶神仙隔縹緲，蓬萊清淺無人曉。排雲但望金銀  
臺，珊瑚枝老蟠桃小。便要東攀若木華，羣仙接引如蟲沙。  
拍肩教我洗毛髓，應龍十二空衙衙。知不可得下山去，富  
貴神仙亦朝露。不如呼酒東際樓，山中樓名海月山風足良晤。

芷汀招游崇效寺爲餞春之會疊前韻奉答

春城飛花散輕煙，客子嬾過春蠶眠。惜春重赴看花會，餞  
春始晤花當憐。城西十里棗花寺，古時已擅花木妍。妙巖  
自合佛位置，幽勝詎與時推遷。石林先生興不淺，踏花驄  
馬無淹延。芳辰恰趁天日麗，小隊猶作風雲騫。紅塵九陌



徑漸轉敬牆已露紅欲然入門花畦紛照眼蘭茗翡翠難

為鮮態濃意遠不可昵國色豔奪珊瑚鞭竭來更入散花

室詩龕細認靈山顛從寺僧借觀拙菴和青松紅杏見真

實初地想見神翩翩墨緣所在各印可封侯作佛誰後先

王朱而降逮初白風味遞衍騷雅仙吾師詩又一神理盤

陀獨現曇花媽謂朱文正師題句雪泥留爪過百載露電掣眼經

十年效顰幾饒豐干舌擇地何如萬斛泉媿我春風雜桃

李曾經鐵網千絲穿種花仙翁早飄舉探花弟子方差肩

厘從尊前憶北海焉得空際招成連對花徙倚夕陽暮坐

花重與開瓊筵花間詩簡忽飛到是日蘭舟未到而逼人

咄咄下水船才多詎患洛下陸日辨弗數甌東娟吟場角

逐本韻事買夏勝會將蟬聯先生何不作虎帥揮毫染盡

山陰牋十盪十決各奮迅再接再厲休蹠躡餘自嫌詩  
膽怯棒喝須待禪心圓

芷汀喜談禪

詩逋更比花事急且應恕

我靴稊前

蘇齋觀岱頂秦篆新剔十字

泰安令蔣伯生因培拓寄

名山第一磨厓奇古今第一小篆師嗟峨文字壓鍾隸伯

生曾跋曹丕碑

虞伯生題鍾繇爲曹丕作勸進碑詩云李思文字更嗟峨

又一伯生生

苦晚汲古動我深嗟咨廿九字石毀復得七十餘載神護

持岱史縱迷北平許具名猶備去疾斯夜虹熊熊玉女池

風雨離合元君祠殘星鎮地作光怪漬溜裂石無差虎飄

然片紙遠飛到挂壁隱隱森鱗而如麟一角鳳一羽已冠

石墨千圓驢申屠徐鄭並斂手何況汝刻之罟遺我生五

嶽未涉一遠夢直躡鷲峯陞安能三日坐卧對更舐右手

精氈椎墨緣漫託劉斯立眼福敢比江鄰幾先向蔣侯乞  
拓本岱雲冉冉來芬楣

姚少師菴

岫雲寺後白雲深省識西來出岫心流水尙疑嬖女晉好  
山如對泐師吟當年簷瓦飛龍識終古盤陀病虎暗爐火  
淒清鐘乳澀更無慶壽唾壺金

李文耕字心田號復齋更號墾石昆陽人嘉慶壬戌進

士歷官貴州按察使有喜聞過齋詩集

詩話復齋學宗朱子服膺陸清獻公張  
楊園先生詩與清獻相似多見道之言

都中與趙直夫孝廉別

欲別頻謀聚離懷苦不禁切磋吾輩事溝壑古人心雲指  
黔山近波愁濟水深他年此共對何以證胸襟

王百齡字芝田長安人嘉慶壬戌進士改庶吉士官直隸知縣有詩附其祖元常西園瓣香集後

園居卽事

性僻耽泉石春園俗事稀苔痕埋屐齒花氣上人衣燒燭月還瘦敷榮雨早肥韶華堪領略雙燕故飛飛

董正揚字眉伯號曇柯泰順人嘉慶壬戌進士官大庾知縣有味義根齋詩藁

百丈口放舟

峽東高天迴輕舟此溯洄碧環千樹合青劃萬山開篙影穿波曲灘聲得石哀蒲帆十八幅幾日到松臺

葛嶺懷古

集芳園北玉巖東多寶樓臺想像中蟋蟀鬪殘天水碧鷓

月見彙言目卷一十一  
一四  
鵝唳斷木棉紅書傳玉枕千年重畫笑螺屏十事工隄樹  
湖波來息影野梅無處問春風

湖上晚歸

拗得花枝插錦鞵斷橋東畔水亭邊柳陰人繫鬻泥艇荷  
徑僧搗盞飯船古寺鐘聲催暮色夕陽樓影浸湖煙歸來  
攜取清溪石供向雲窩伴醉眠

呂兆麒字星泉旌德人嘉慶壬戌進士官西昌知縣有

宦蜀詩鈔

下寺峽中見山石奇古輒賦

昔年客京華居宇宅平曠遙遙見山色心喜神亦暢幽討  
歎未能懷抱常怏怏分符赴西蜀自喜愜所尚嶺度秦鳳  
高意已小芒碭邛嶰近見經岷峨紛在望劒門天下險羣

岫森疊嶂宦跡留三年目不迷背向開軒畫新就日日對  
屏障竒姿晴愈出秀色默相餉頗謂山止此傑特無與抗  
昨過下寺峽到眼驚新剏切雲鬱岩巖肖物工跌宕或深  
如堂廡或燾如帷帳或陳如樽俎或覆如瓶盎蹲或如虎  
豹列或如兵仗堅或如鑄鐵密或如聯纜輪困謝推挽瘦  
削空依傍怪怪與奇奇變幻不可狀黃沙接馬鹿雙峽浮  
春漲掘土露峻嶒傳說語疑妄英靈毓瑰器富媪發新藏  
神斤運刻斲天巧呈花樣對此玲瓏影驚倒般爾匠何當  
採嶙峋裝載盈歸舫位置小園中聊佐詩人唱

晴後復雨

昨宵月色明如水萬里長空鏡影開今日雲容濃似墨千  
山齊送雨聲來巖城涼煥朝昏變棧閣陰晴晝夜催賦罷

愁霖望新霽且憑軒檻上高臺

詠史擬李義山

世事何由得盡同萍飄梗斷總西東戴星未覺征衫溼多  
露方矜舞袖工信有雨晴持鵝蚌可堪得失較雞蟲元規  
卻憾塵猶少不盡人間便面風

述懷

離鷺別鵠知何似自歎飄零天一涯斜日盡堪悲宿草餘  
春無意表孤花也曾伴我題黃絹猶記窺賓隱絳紗往事  
追惟難遣處聊將痼疾託煙霞

有感

沈醉西風有底愁冰輪重見月如鉤爐藏桂爐香猶蒸鎗  
炮蘭缸燄未收可憶堦鄉騎竹馬難從童阜問金牛輸他

意緒澄於水靜夜吟詩獨倚樓

漫興

車塵馬跡徧通關避得喧囂自解顏隨地透迤春澗水對  
人偃蹇午晴山蟬吟綠樹林方靜鶴拂青雲夢亦閒盡日  
題詩無綵筆可應編集續花間

有感

淪落風塵心力殘天涯魚鳥尙求安萬釘榮欲辭犀帶小  
几閒思隱鶻冠今歲遠期來歲好抽身翻較致身難深庭  
暮雨蕭蕭下清夜愁懷感百端

讀書有感

欲採穠花可自由春林多是不宜秋相如解作長門賦竟  
遣文君怨白頭



惆悵春情爲惘然秋風團扇不須捐歸來收得盈車果應  
是安仁最少年

孫世封字襲公許州人嘉慶壬戌進士有森圃存彙

送李寅菴進士游長安

囊橐澀尤甚文章售本難不愁關塞險惟念客衣單風急  
河聲壯霜高嶽色寒故人揮手去匹馬向長安

泌陽道中

山行不見日泌水望迢迢嶂削雙屏峻途明一綫遙泉飛  
疑帶雨柳卧欲成橋近郭岡巒迴驅車上碧霄

汪全泰字竹海儀徵人嘉慶甲子舉人東河候補同知  
有鐵孟居士詩彙

舟次鬱水

赤日銜雲卧江底倒射黃波溼船尾蒼雷注地飛紫星龍  
子擾煙呼百靈青桂紅蕉滿沙渚播蕩江風半天兩古穴  
蠻鎧十丈高猺人夜起凌空語萋萋月氣成餘霞老魚夜  
食句漏砂腥涎滴綠掃不去明日石牀生毒花

湯陰

煙樹夜迢迢秋涼白馬驕繁星下河內斜月見中條世事  
悲搖落羈心久寂寥侍中祠宇在風烈感前朝

發平樂至陽朔

嶺門椰樹風騷騷臨賀故城天半高猺姬雨種作蘆寨洞  
客星居開石窠伐船朝從浦口入慘澹中流日將黑清霜  
暗下獨鶴巢野火潛燒老猿窟山根泊時寒浪清榜人夜  
食當明星木瘤浸泉苦藥氣石乳掛巖枯筍形幽景淒淒

興無極前頭秋險灘聲急客子淹留惟暫時明晨更下湘源驛

過武昌縣作

雞鳴關外綠波平樊口潺湲水氣明疎柳不知陶侃宅亂鴉遙下呂蒙城興亡一塔山城晚老病扁舟水國晴欲上南樓嘯明月飄搖書劍愧平生

建昌縣宿余氏祠堂

暫借空祠宿黃昏不見人風鐙尋縣吏塵榻傍山神半夜明殘月孤峰寄一身杜鵑嗁未歇衣上又行塵

咄咄

咄咄書空恨悠悠避世心愁兼秋樹亂病與夕陽深蘚壁朝陰早蓬門夜氣侵親朋長不見多難更相尋

查揆又名初揆字梅史海甯人嘉慶甲子舉人官薊州

知州有菽原堂集

詩話梅史工駢儷之文詩雄健清峭嘗有落葉句云  
低頭一笑渾相識見汝春風綠上時又有舟次句云  
我獨丁甯牢把舵順風還  
較逆風難蓋皆有所諷也

謁張忠烈公墓

樓船兵氣黯滄洲丞相祠堂叱牧牛雁宕寒深虹貫日龕  
山濤落雪驚秋頭顱已送田橫島妻子虛隨范蠡舟更向  
江南懷閣部梅花嶺上暮雲愁

與吳茂才夜話

憐君似秋雁易起旅人愁夢醒礎雙杵燈寒雨一樓黃花  
吟影瘦白鷺鬢毛秋無那聆情話荒雞亂唱籌

謝照字裕菴浙江山陰人嘉慶甲子舉人官陵川知縣

有蕉影齋詩

詩話裕芬作芳草曲仙山樓閣諸詩一時有謝芳草之目詩格清雋如其爲人

蓬萊閣春望

蓬萊高閣蓬萊山蓬萊客欲凌煙寰春風有力爲送上直  
到縹緲虛無間三月韶光舒錦繡憑高一望開心顏爭流  
縈繞萬雲壑競秀羅列千煙鬟重青濃碧不可畫照以麗  
日紅紫殷重瀛指點路不遠雲氣一道光爛熳我欲因之  
度弱水直叩故山白玉關列仙舊侶重相見手采琪花瑤  
草還種向閣前并閣後好與萬家春樹相迴環

同過友人村居

十里輕波泛小舟眼前景物特清幽村藏紅葉蕭蕭雨門  
對青山面面秋市遠盤餐能儉約談深主客轉風流襄陽

舊有重陽例可許還來就菊不

初夏漫興

繞徑陰陰綠已肥端居鎮日掩雙扉  
午風石磴桐花落暮雨池塘燕子飛  
把卷長吟消永晝倚窗凝望送斜暉  
呼童細聽茶鐺沸自試新成紫芋衣

普明菴用坡公原韻

溪流邈迤石徑細午風不啟重門閉  
尋幽信步入山來空翠不知滿衣袂  
禪房磬逗白雲深日斜猶作句留計  
生平空復愛居山佳游卽此殊難繼  
歸去空齋一夜眠定夢溪光照鬢髻  
老衲如何笑不言媿爾出塵余入世

徐熊飛字渭揚號雪廬武康人嘉慶甲子舉人翰林院

典籍銜有白鶴山房集

詩話雪廬日貝采言卷一十一少孤寒事母至孝詩有才力頗存唐  
賢軌轍晚見知阮文達舉其學行得典籍銜

### 游雲岫寺

落葉四卷迷松根山風吹之如有人草間一徑出嶺背石  
氣上逼秋空雲千年古寺冠峯頂佛鑪無火僧關門野爨  
竊果墮檐瓦驚起蝙蝠飛承塵階前老樹雷斧劈長藤倒  
挂花續紛當門巨石平貼妥瀑泉赴壑風霆奔夜深飢虎  
癢磨疥爪牙印齧青苔痕森然動魄不能住出林步步循  
荆榛天時人意兩清曠在野且與芒屨親題名石壁記幽  
興入山不早山靈瞋

### 白蘋洲懷柳文暢

山椒激微風陵茗媚芳澤遙瞻隴首雲忽憶瀟湘客汀洲  
澹容與一鳥破寒碧波影霽澄輝蘋花吐微白何處蕩舟

人漁歌遠天夕

與京口諸子重登蒜山春波閣

蒼然淮楚至尊前勝侶重逢啟別筵高樹濤聲過白晝大江帆影落青天驚心風雨登臨日回首英雄戰鬪年十萬長刀殲寇地那堪海道尚烽煙

林烈婦詩

清溪林氏女嫁于浦顧氏子夫故無賴姑復淫悍或悅女殊色以金錢餌姑及夫女

矢志不汙受炮烙死年二十三時甲子正月晦日

可憐明月光不照磐石心誰使姑不容妾心悲至今妾命春蠶絲絲絲腸斷絕多謝惡少年黃金買顏色芙蓉復芙蓉綠葉何翩翩妾不得姑心妾死無足憐如何蘭蕙花變作菴菴草山下青梧桐姑惡嘯至曉

劉士珍號春舫建水人嘉慶甲子舉人官香河知縣有



知不足齋詩鈔

宿宜良龍山寺

冷逼諸天夢山樓對佛棲霜催蟲語急雲壓雁聲低歲月  
驚彈指風塵悔噬臍蒲團清有味便想息輪蹄

王楨字倚吟號獅巖秀水人嘉慶甲子舉人官甯朔知  
縣有絜華樓詩藁

宿寶晉書院拜蘇米二公像

庵中一老顛復顛髻自外來仙乎仙松關靜掩聞剝啄磔  
磔驚去幽禽翩詩清韻徹上方磬茶甘味品中冷泉夜潮  
風起奏韶樂晴峯黛掃呈嬋娟江山如畫得且住主客一  
笑真何緣壁間片石認遺像座下瓣香思昔年千春遙遙  
曾樂此此樂至今猶目前

周儀暉字伯恬陽湖人嘉慶甲子舉人官鳳翔知縣有

夫椒山館詩集

詩話伯恬工六朝文詞尤深於詩擬古諸作往往逼真與同里陸祁孫李申耆並著盛名中歲奔走東南諸名郡足跡半天下爲詩尤激昂慷慨數奇不遇晚始幸一山邑不三載歿可悲也

偕王三遠甫文源看落葉

秋柯無靜音風過有鳴籥卷簾庭草深寒綠動蕭索娟娟天際流簌簌林間萼相觀亦夷猶甯教愴零落達人識心性世事工羈縛涼颿開化機意興俱卓犖浩歌卻塵滓晤對起清廓回首山月生流輝上簾幕

渡彭蠡湖口望大孤山

春風出江城千里送行跡朝辭潯陽郭晡擊湓口楫回首眺大孤危嶼立空闊中巒靜容與澄暉覽日夕亭亭何處

仙縹緲迴殊絕平湖麗清鏡修容俯深碧氣與江勢趨神  
俱旅心積斷雲掩蒼莽殘照薄敲仄征車重回邁延佇但  
今昔緬彼百尺峯嗟此遠行客

自岐嶺放舟至青溪

萬山迴一川旋轉入空曲輕舟歷蒼翠百折到深綠泠泠  
雲際風淅淅石間瀑羣峰得花意眾鳥襲珍服炫奇斯恍  
心過險不瞬目何如山阿人誅茅自成屋

中宿峽

巨靈斧天根斲玉一萬仞雲霞幻幽禕風雨逼道峻厂樹  
交空嵌岑苔互薄暈驚禽拂波駛落翠襲衣潤林光澹日  
氣澗響寫花韻叢綠疑無垠羣香但相紊扁舟溯春漲篙  
楫競分寸靈境開清虛艱程若輕迅思元本初志招隱豈

非分遂令紆歸心前途緩遙趁

山溪夜坐

疎礎清切夜闌干小閣臨溪四面寬  
半下西風山翠冷獨看明月劍花寒  
澹波有夢流難去磐石無心坐覺安  
敬枕乍眠眠又起卷簾秋在五雲端

隔岸樓臺一水分山容全寫李將軍  
拂衣星氣青如雨出岫林光綠到雲  
中夜蛩鳴金井暗下方鶴語碧霄聞  
輸他花霧香塵裏銀燭初殘酒半醺

借邵文綸三登懷遠青雲樓眺荆塗兩山作

長淮東下兩山尊天作巍峯壯此門  
金簡承華開日月元圭拜手奠乾坤  
僑名已變當塗國遺迹猶傳禹會村  
聞話懷襄溯前烈直疑疏鑿尙留痕

帝鄉甥館已難尋原隰眇眇直到今童律無功宜有罰防  
風後至亦何心荒墟廟貌成蕭瑟澤國山圖想播琴嗣服  
鈞臺帶遙甸史臣猶侈說辛壬

答許明經

所望

荆山山前三日雪老樹奇僵竹枝折縣南許子寒閉門惠  
我新詩句清絕元言如環筆如鐵論說波翻思雲譎瓊瓊  
擲地金石堅詡詡迴春肺肝熱宣州栗炭紅地鑪步廊深  
幕交流蘇十千美酒二八姝風力不到年光殊不如此詩  
溫且腴煖氣襲我心神愉窗前坐對兩峯白恍是吉貝鋪  
天衢秦淮八月勝流集一萬人中與君揖花光兩行盡回  
首山翠四圍皆拱立此時奇氣不可當龍劍天矯空天翔  
長風挂帆去無迹江水漠漠煙蒼蒼晨星蕭條悵何及十

六年來成瞬息去年重見蔣山旁已改故人鬚鬢色今來  
訪君卞和洞抱璞前機有餘痛酒酣慷慨話昔游尙覺飛  
騰意殊眾棲隱聊爲小言賦乘時合奏河清頌不見枯原  
草色新東風已破春池凍

揚州別宋學博翔鳳家進士濟

十年不聽廣陵簫淺醉重尋舊板橋忽爾傷心成兩別可  
能奇氣爲花消紅窗悄夜歡愁夢碧月春江上下潮仍是  
扁舟送歸客熟梅風裏過金焦

路斯雲字矩庵號得青畢節人嘉慶甲子舉人官涓潭  
教諭

閒行

閒階苔聚綠紋生單袷迎風曳履行何處歌商同古調幾

時荷笠事歸耕，蝶衣黏雨飛。回重蛛網，隨陽補綴。輕長日，增長衰鬢短。那能含影佩蒼精。

林家桂字辛山，吳川人。嘉慶甲子舉人，有見星廬詩藁。

舟晚

林塘寒澈晚風清，葉葉帆圓客舸輕。沿岸人家團竹暗，傍巖漁火隔煙明。江沈夜氣山無影，權破波紋月有聲。擬向驪珠臺上過，凌晨小立聽龍鳴。

施紹武字樹之，號石樵。錢塘人。嘉慶甲子舉人，有靈石

山房稟

宋朝散郎孫公墓

公名察，嘗使金闕二帝起居守節，不屈。金人裹以油絮焚之，罵不絕口而死。墓在集仙宮西，按縣志。

公未歸，骨疑爲葬衣冠之所。

甘蹈焚如禍，論忠到此難。身隨一炬燼，骨並兩宮寒。和議

中朝恥衣冠故壘殘翻嗟冷山使生得返臨安

潘時彤字紫垣華陽人嘉慶甲子舉人

途中卽事

一夜翻盆雨千山瀑布聲長風吹漢水落日下褒城北棧  
初傳箭西州已罷兵雞頭關上過誰是棄繻生

張序字鸞階雲南趙州人嘉慶甲子舉人有雲癡詩鈔

凌虛閣夜坐

蕭然一榻野雲灣縷縷春愁未盡刪祇訝濤翻孤枕上幾  
忘樓在萬松間漁鏡對出東西岸鐘韻周回上下關爲愛  
沙村新月滿起舉疏箔看蒼山

飛來寺

千年蒼葛四圍開香裏悠然上古臺三塔遠從煙際出一



帆斜自洱西來旗亭過雨行人集梵閣銜杯老衲陪醉後  
休談天寶事夕陽荒驛野猿哀

黃培芳字子實號香石香山人嘉慶甲子副貢官陵水  
教諭有香石詩鈔

秋日郊行

平蕪落落野煙環稻穫雲空指顧間隔岸人呼秋水渡倚  
樓僧看夕陽山霜高鷹隼凌霄健風淡牛羊出牧閒行處  
漫傾村店酒帽簷插得菊花還

海天吟

南溟萬古滔滔流中有三山日照之神洲仙人騎鯨欸隱  
見破浪忽到東南頭鐵城錦水一都會羣山萬壑開遐陬  
七星峯上瓊花發五桂巖邊琪草幽疑從十洲三島分此

境離離員嶠波間浮金屑垣桂花村香山別號何須秦時桃花  
源我住花村最深穩夜夜海月照我門珊瑚寶樹出海底  
明珠簸弄蛟龍吞天風吹月海山白仙人與我傾芳樽遙  
指海水千尺深琅琅高歌海天吟海波連山高接天天上  
靈妃顧嫣然會當乘槎牛斗邊

秋日過三元宮山館聽越塵道人彈琴時越塵擬游羅浮

越岡之麓屋數椽蕭疎草樹涼娟娟青山一角橫竹牖殘  
陽半壁聞風蟬高秋過此不忍去道人招手何歡然棲心  
早歲游物外風姿俊爽神高騫道書愧我未曾讀石室且  
喜來談玄清琴妙得沈夫子飯罷爲我彈五絃平沙古調  
最清越恍惚雁落涼風天遲迴更奏漢宮秋和平幽怨情  
意傳聞師正有羅浮興抱琴好坐飛雲巔黃龍白鶴在眼

前琪花瑤草紛巖邊石樓三更日已縣鐵橋縹緲來羣仙  
此時左顧白玉蟾右挹葛稚川何必海上呼成連嗟余安  
得躡屐從師往四百峯頭吹遂眠

奉贈鄭侍御貫亭先生

天南正氣著蘭臺松桂林中見雅材驄馬乍從京國返素  
車旋別故山來時赴弔馮魚山先生朝端風度張金鑑海內文章董  
玉杯梓里蒼生皆引領仁言還望澤蒿萊

羅浮放歌

我思太古洪荒來川澤融液山胚胎水流山峙天地奠更  
有離合何奇哉堯時九年嗟瀕洞禹甸九土猶蒿萊水患  
懷襄極汎濫山疑飄蕩無根莖相傳神山在渤海三峯上  
聳金銀臺一朝蓬萊失左股南溟湧出浮崔嵬巨靈有意

故附會羅浮合并難中開鐵橋橫互入雲漢造物好奇爲  
此玩兩儀原自太極生二山定有元精貫曠觀五岳鎮中  
原衡山乃在諸夏半羅浮徒以佐命名傑出空負炎州冠  
北岳旣臨北地隅南岳合居南海畔不爾當推粵嶽崇肇  
錫嘉名成壯觀仙居第七古洞天畸人逸士求神仙稚川  
獲得丹砂日安期不遇祖龍年竹符丹竈本荒忽靈禽異  
蝶還躡躑逃名洗耳來古澗盡醉賣酒餘平田當時周濠  
羅豫章諸鉅公流連景物茲山中儒先豈有煙霞癖山水偶  
契仁智胸粵洲祖泰泉翁居山著述伴化工圖經特爲開  
眞面賢關何意埋荒叢今秋我來追奇蹤遙探四百三名  
峯飛流萬丈白練素列岫千朵青芙蓉出門前導呵啞虎  
入室近玩摩銅龍忽看雲氣驟彌合翻似海色翻鴻濛陰

晴朝暮各變態淡濃遠近紛修容荒村幾度綻梅萼古亭  
盡日吹松風蠻煙蜚雨憶坡老參橫月落懷師雄我生未  
得游五岳五岳披圖思大略莽蒼崇宏定有餘幽秀靈奇  
當不若我與山靈信知己山靈於我如有約使我來時風  
日佳天公爲我淨林壑題詩何必碧紗籠放懷且倒金樽  
酌

三到羅浮口號

名山似約我長來四百芙蓉拂面開儻遇麻姑話塵世三  
番清淺見蓬萊

張鑑字春治號秋水烏程人嘉慶甲子副貢官武義教

諭有冬青館集

詩話秋水根抵經史兼通天算文辭尤典雅阮文達  
立話經精舍秋水爲高材生在修鹽法志經籍纂詁

所自爲書三百餘卷。晚病風痺遂自名爲風號。貞疾居士諸書雖寫定多未及刻。潘文勤公爲刻數種。近劉氏嘉業堂又刻其詩文集散佚尙多。

七月二十五日同人登寶石山天然圖畫閣遇雨和

楊傳九用樊榭韻

佛閣梯枕拔衽登四山涼翠記來曾白蓮社肯孤良友壞  
色衣須借病僧拾果野猿窺石礪聽經仙鼠拱秋藤他時  
再結宗雷約莫道攢麋我未能

歸雲庵懷孫太初

不見孫高士風流自昔聞湖山留舊社風月冷歸雲飄影  
離言說松聲澹俗紛幾回參嘯旨蠹葉滿斜曛

舟中望道場山

瓜皮艇子盪空濛森森寒流瑟瑟風白塔紅亭遙望處不

知身到水晶宮

秋螺如笑幾回看倚權城根日又殘好是浮萍吹斷影雲屯浪湧作秋寒

穆彰阿字鶴舫滿洲旗人嘉慶乙丑進士改庶吉士授檢討官至文華殿大學士有澄懷書屋詩鈔

感遇

御風入閭闔縹緲蓬萊游丹闕互紫宮瑤府結瓊樓玉皇數召見絳節垂華旂香案緡寶籙衆仙非我儔下士未聞道汨彼塵土謀丹砂治不成聚語徒啾啾

清溟堯舜朝翼翼皋夔佐懷古慙吾才綱紀曷宜播剛毅近剽悍寬柔或選悞更絃懼瞋眩因轍太委情譬彼鼎黃耳覆餗誰能那懋懋恭朝夕庶以寡吾過

何凌漢字雲門一字仙槎道州人嘉慶乙丑一甲三名

進士授編修官至戶部尙書謚文安

詩話文安初以拔貢官吏部旋登第遇翔臺省屢持文柄尹京兆最久後又以少宰兼領理繁治劇不

動聲色織轉肅然

荆卿故里

天帝方醉秦於燕復何有遂令國士心取亡由匕首劍術  
豈云疏生劫僅差後報韓奮鐵錐當年能中否博浪尙可  
逃繞柱那可走得失論英雄易水應悲吼

姚元之字伯昂號薦青桐城人嘉慶乙丑進士改庶吉

士授編修歷官左都御史降內閣學士有薦青集

姚石甫曰吾家薦青侍郎不以詩鳴乃古近諸作雅託唐音綿邈其思後逸其氣清辭麗向不絕於篇雖不同晉楚稱雄亦屹然周宋王者之遺矣



詩話薦青文翰從容雅負時望詩俊亮有格亦多寓  
感時紀事之作所著竹葉亭筆記多載舊聞國故分  
棟爲世所珍畫筆精妙小品尤超逸有南田  
新羅遺意前輩風流令人作貞元朝士之想

廷尉

廷尉天下平國法無偏陂如何民命輕但伺長官意有容  
顏比桃花紅出入宮門氣如虹升堂指畫生疾風怒雷奔  
電來天東死囚纍纍不敢窮明朝薦牘上九重巨案曲盡  
稱全功功者色欣欣裘馬歸西園長筵集僚友列坐道辛  
勤珍錯羅列雜蒸豚狂呼大叫酒千尊自言折獄如有神  
賓從咸歎息僕御亦翩翩我聞紅陽教十人九死空全村  
不知漢世駟馬門朱紫誰氏之子孫

正一真人

寬衣大袖來青冥手持一紙書黃靈云是正一真人之法

曹綠章封事奏帝庭鄧馬元帥開九閣下情一一天爲聽  
眞人之權吁若是千妖萬怪不敢肆昨者東鄰村有妖亂  
捉人晝伏不出夜恣行攫取帛與財魚肉老與嬰土神無  
如何愁苦不得明眞人爾爲天帝之耳目何不直陳帝所  
使得寢其皮食其肉羣醜聞風皆竄伏豈惟東村普天之  
福

禮烈親王骹箭圖

箭體頭圍九寸六觚皆穿

烈王火箭無箸盧剌木九寸穿六觚開圖睥睨天門龜兩  
眼不敢相闕闕我王大野橫雕弧長鏑一吼山谷驅黑雲  
退飛天東隅海水倒立失蓬壺賁育咋舌心轆轤挾簪夜  
走養大夫松山杏山雪模糊一鏃能使萬骨枯長城洞開  
日月扶帝曰奇勇王拜呼投弓一笑天下酺憶昔 太祖

射洞城棟鄂膽裂金鏤明昔太祖憩洞城之野有棟鄂指百步外柳命之射發五矢中三矢上下相錯神武天  
太祖親射五矢皆中眾視之五矢所集僅五寸許  
縱非人能超軼萬古王克承錫以彤弓載以銘森闕武庫  
鬼莫櫻王攀龍髯上太清王遺白羽殺欃槍餓鴟夜叫秋  
風驚散箭猶在王如生嗟爾天狼敢橫行

虎門行

東方日出天爲紅明霞萬疊排秋空水光倒射播五色黃  
人矗立摩青銅攢峯列嶂隱青翠芙蓉亂插滄波中天雞  
大叫洞窮髮豁達不覺空雙瞳我聞昔者此水東馬銜當  
蹊挈海童朝游大鵬夕雞籠明璫大髻坐艤艫船頭伐鼓  
聲逢逢斂人鬚人怒髮衝瞪目不敢偏師攻赫赫重臣總  
元戎慨然追慕郭令公輕舟一葉無短篷獨立虎門呼其

雄告言聖恩寬且洪刀斧不肯膏閭曹羣焉蹈舞聲呼嵩  
爭先叩頭輸厥衷水師不用占天弓儻忽萬里無飛蓬爾  
來日照黃金宮鬼物懼伏天吳窮河泊使者休赤驥黑齒  
國人歌來同方壺員嶠遙相通飛檣上下如游鴻元虛作  
賦狀莫終二李將軍畫難工少文虛願何足論我來不待  
乘長風

送王鹽官壽齡之江南

想君吳會去落葉過江初白雁迎朝雨丹楓照夜漁官閒  
身似客俸少食多魚淮海通津淀知應有尺書

過懷雲庵故園有感

猶是看雲地雲歸人不歸亭邊霜葉下門外野禽飛落照  
無今昔清琴失是非空餘七絃在長自挂羅幃

宿遷道中

栗烈歲云暮我行徐楚間日落淮陰市風生芒碭山鳥邊  
白雪下天末野鷗閒一倍傷行旅孤雲猶往還

溫泉

烈炬煙銷水未乾華清金粉又凋殘久無香殿堪尋桂尙  
有荒池想浴蘭秋雨落花金屈戌野風別燕玉闌干鳴泉  
若解興亡恨流到驪山應自寒

寄蓬萊太守張船山夫子

蓬萊仙吏出塵姿管領神山鬢未絲堂上琴懸無長物郡  
中烏集已多時仙人樓閣春長住水國煙波秋到遲出海  
雲霞天五色不知何似使君詩

江上

百道晴雲下翠微  
一帆秋影滯寒暉  
流泉鳴玉涓涓漱野  
雀爭林軋軋飛  
碓杵定從今夜急  
星辰都爲月明稀  
長江儘許看山色  
青靄其如對素衣

童槐字晉三  
一字樹眉  
號萼君  
鄞縣人  
嘉慶乙丑進士  
歷官通政司副使  
有今白華堂集

夜抵園寓

奔車息雷響  
序櫟發夜警  
花柳霏春煙  
罩此蓬壺境  
上樓拓水窗  
鐙前立山影

阮芸臺師招入武林學院署下榻定香亭

龍門高築著書臺  
特許侯芭問字來  
幕下有花憐相府座  
中無客不仙才  
鏡心朗映迴瀾水  
屐齒香黏稱意苔  
誰識夜涼人靜後  
影橋獨鶴正徘徊

出古北口

雲黑秦牆戍火殘，鷺房谷口冷旌竿。宵程塞漠隨鴻度，秋色關門立馬看。地過中原山設險，天垂北斗月爭寒。氈廬一夜歡聲起，列部來瞻天可汗。

題儀親王所貽蕉扇

不待招風向石欄，淡黃一片夏生寒。翦來摩詰圖中影，抵得梁園雪後看。

蔣詩字泉伯號秋吟仁和人嘉慶乙丑進士改庶吉士

授編修歷官御史有榆西仙館初稟

詩話秋吟以平常與修高宗實錄先授編修及遷  
侍御巡南城日結積案數十起頗有能聲庶勘秋審  
册改情實乃緩決者數吏稱其允罷官後壹意著  
述尚書毛詩皆有詮釋他如河防海運織輔水利臺  
灣兵備為書數百卷詩質  
實不向藻木蓋其幹事也

舟中除夕

舟行逼除夕，悵悵欲何之。  
歲暮天涯客，關河此夜思。  
更深人語寂，雨急漏聲遲。  
獨坐篷窗下，無心對酒卮。

送陳進士

白雲

歸夢各迢迢，西風柳盡凋。  
勸君一杯酒，明日渡寒潮。  
惜別無多語，難堪是此宵。  
知交相繼去，吾意更蕭條。

石棣元字鏡心，宿松人。  
嘉慶乙丑進士，改庶吉士，授編修。  
有清貽館遺藁。

礪州道中

兩岸垂楊印碧痕，一灣新漲護柴門。  
青疇過雨濃如畫，疑是江南水竹村。

月夜泛舟



遙峯幾疊暮雲含獨泛扁舟下碧潭兩岸漁歌一溪月煙  
波深處夢江南

分經臺

千古鴻文歸選手危樓百尺昔傳蕭偶來淨域分經卷又  
見高臺接斗杓貝葉一編參上座煙花三月話南朝祇今  
古寺空山裏梵唄鐘聲自暮朝

陳鴻墀字範川嘉善人嘉慶乙丑進士改庶吉士授編  
修罷起授內閣中書有抱簫山道人遺藁

獨坐館中校閱全唐文制誥類遲平叔不至

杏花已過桑葉稀禁中清晝雙掩扉官人不來吏卒散我  
獨兀坐蟠孤巖榻塵小拂試方翹硯垢細滌研隄麋唐賢  
著作稟盈屋制誥一體尤乖離王言首輯冠眾集治水先

冀餘梁岐編排鱗次苦蕪穢亂髮未斬猶夢絲割裂苦碎  
百衲錦合并強集千羊皮缺文頗疑石鼓古誤字恐受金  
根啗參以眾書見同異覈以正史無紛歧剛除肯使禾莠  
雜選擇要辨熊蛙肥當時承旨況專職燕許手筆何淋漓  
翰苑諸集幸可考奚必掩取臣工爲麻沙百過目生眩鐵  
撻三絕手盡胝胡爲宋五慣坦率張目不見千珠璣有時  
強作解事語武斷若判公堂詞古人飲泣後人笑餐錢月  
給眞虛糜餽生持論少同調賴有孫楚堪我師糾謬時時  
恕吳纘列銜往往容臣郝晨趨共聽禁鐘細暮歸每趁歸  
鴉遲窮通豈恃三寸管祕文校理臣所司謝安捉鼻恐不  
免讀書要及投閒時上方筆札敢輕費好趁官燭難雙枝  
詩成火速付急遞新月已照黃琉璃

贈徐白舫吏部

謙

男兒墮地須錢刀坐縱千古錢神豪紛紛俗子何足數呼  
叱奇傑同兒曹南州徐君今孺子雅擅洪筆驅風騷詩宗  
韋柳足高格真趣亦近柴桑陶曹司趨走未十載上官不  
喜同官嘲倉庾之職不稱意一朝徒步還東臯先生風義  
凌雲霄迴如孤鶴不可招自非寒餓受驅迫肯以玉貌來  
塵囂嗟予坎壈略相似七年史館儕宮僚朱雲屢忤貴人  
貴仲舒獨抗驕王驕中書君今老且禿排擠出力煩中朝  
上書光範陋軒冕拂衣蕭育歸衡茅歸來謝客合高卧亦  
復萬里浮輕舫半生強項忽低首感君令我心煩切我知  
造物忌孤潔況有筆舌能誅褒詆訶公卿及將相糞土朱  
紫兼麾旄儻教飽食逞胸臆世界不足嘗毫毛天公欲貶

壯士骨妻子坐折高人腰子之齒者必去角人生快意安  
能遭豈知倔強性到底千磨萬折終不搖君也負米乞友  
助豈學雁鷺吞腥臊授徒我自食我力詎必千萬書黃標  
心能不貪氣益壯我自主神難操君聞我言釋然喜手  
摩鮮荔傾香醪片帆高挂豫章去我亦歸湖之江濤雞蟲  
得失太瑣碎出門一笑蒼天高

哀學使

甲午正月十八日廣東督學使者李君泰交  
晨起自縊死遺書具言爲怨家所搆請一死  
自明以其輕生弗與直  
也哀其志者作詩云爾

學使夜宴朝自經大吏往視聞哭聲父涕不止弟跪迎遺  
筆慘淡訴不平云有同鄉合浦令正機其名何其姓明欺  
暗算事不定一死上報天子聖大吏馳驛聞學臣言有因  
去夏試廉州說令書云云令上謁面請託未可知通惡幕

事下太守張太守上狀鈐以章令無負緣內外作好事反  
覆不及請託字科場請託吁可驚按律不問行未行當時  
不難攝令使對簿移書學使指實期分明兩造具在事立  
辨是豈疑獄憂難成學臣返旆况屢見語不及此非人情  
安人息事亦政體詎料貴客能捐生卽今此獄莫窮竟誰  
起九原同折證或傳牘背奴有詞渡海風濤得心病海外  
歸來正及秋歷試廣惠潮三州不聞心病致恍惚渡海安  
穩有弟同歸舟此爲致死由此語恐未實披髮何由訴大  
荒苦海魂迷招不得吁嗟乎昔之學使在教士今日好官  
足歡喜君亦猶夫眾人爾君知畏君知恥慮汗名乃至此  
人皆覩然生彼獨賀然死律以大義無恕詞苟非其人莫  
輕訛寄語大吏弗爾惱富貴由來多壽考

錢心壺給諫

儀吉至

火雲兀兀閉門居客到驚心萬里餘險絕江湖羣盜路訛  
傳風影遠人書最憐弱小猶孤艇急掃軒窗當徹廬秉燭  
相看眞夢寐滄桑重話十年初

驄馬威聲道路寒早聞清望重臺端誰令海上竈鼉窟爭  
識朝中獬豸冠命代文章傳世定還家歲月閉門難憐子  
視草花飄久老看天南荔子丹

晚晴簃詩匯卷一百十七終